

# *KUFANYWA WANA*

## *WENYE MAMLAKA* <sup>3</sup>

¶ . . . Neville. Habari za asubuhi, darasa. Tuna furaha sana kurudi tena tupate kuwasalimu tena katika Jina lile litoshelezalo kabisa la Bwana Yesu. Tukitumaini ya kwamba mmekuwa na juma zuri sana la sifa na baraka Zake.

<sup>2</sup> Nilipokuwa tu nikija asubuhi ya leo, nilikutana na kijana mdogo wa kiume pale naye akanipa sanamu ndogo ya Malaika mlinzi akiwalinda watoto wawili wadogo. Nami sikujuua ya kwamba huyo alikuwa wa Daulton, mvulana mdogo wa Daulton.

<sup>3</sup> Na hapa majuma machache yaliyopita, ama ninii chache . . . Yapata majuma mawili yaliyopita, kulikuwa na baba fulani, baba Mkristo, akaomba kwa ajili ya binti yake tineja ambaye hakuwa Mkristo bado, alipokuwa amesimama kwenye mstari wa maombi. Ndipo Roho Mtakatifu akasema, “Na-nakupa mtoto wako.” Naye ndiye huyu hapa asubuhi ya leo, ameokolewa na kubatizwa katika Jina la Bwana Yesu, amekaa jukwaani, kama tu alivyosema Roho Mtakatifu. Na hao watoto wengine wote wameketi huku. Najua jamaa ya Daulton wanafuraha.

<sup>4</sup> Namwona yule bibi mdogo pale ambaye waliombea mtoto wake mchanga Jumapili ilyopita, walidhani atakufa. Naona kwamba yungali pamoja nasi asubuhi ya leo, nasi tuna furaha sana kwa jambo hilo, dada. Walidhani alikuwa na ugonjwa wa unyonge wa misuli, naye hakuwa nao. Kwa hiyo sisi tunashukuru sana.

<sup>5</sup> Nawaona marafiki wetu wote walio wazuri. Namkumbuka mtu huyu hapa akija kwangu kwa mazungumzo ya faragha kule—kule Chatauqua wakati mmoja, naamini ni huko. Nilikula kiamshakinywa pamoja nawe na mkeo na watoto wako, naamini . . . ama wewe na mkeo, ama watoto, naam, pia. [Ndugu fulani anasema “Middletown.”—Ed.] Middletown, kwenye . . . Lakini sisi sote . . . Ninasahau jina hilo, kwa hiyo ninapaita tu Chatauqua. Naam, bwana. Wengi wa rafiki zangu wazuri.

<sup>6</sup> Ndugu Charlie Cox na Dada Nellie upande huu, ambao wamekuwa ndio nyumba yangu ya pili, na hakuna lingine ila ninyi mlikuwa watoto wangu mwenyewe. Nashuka naenda kule, ndiko ninakotumia wakati wangu mwingu wa kupumzika, ni kule chini. Yeye ndiye mwindaji hodari sana wa kindi katika Kentucky ninapokuwa Indiana. Na kwa hiyo Indiana . . . Na Charlie, nakwambia ninatamani sana, nikijisikia sana kama yanipasa kuwashika hao samaki wakubwa wachache pamoja au

hao wenyе milia kabla sijaanza kuingia kule. Kwa kweli najaśikia kama ningalivumilia jambo hilo sana.

<sup>7</sup> Ndugu Parnell... Par... Arnett, kutoka Lou... Carolina ya Kusini. Na Ndugu... Vema, ni wengi sana hapa kutoka mahali mbalimbali, ambao wamekuja asubuhi ya leo kututembelea.

<sup>8</sup> Mnajua, hatuna wafuasi waliojiantikisha hapa. Tunafanya ushirika sisi kwa sisi, huku Damu ya Yesu Kristo, Mwana wa Mungu, inatusafisha na udhalimu wote.

<sup>9</sup> Sasa, tuna somo zuri sana, la utukufu sana. Nasi tuna-, bila shaka mimi... najua ninalifurahia, nami najua ninyi nyote mnalifurahia pia. Ninaaza wakati mwingine mchana, kulizungumzia au kulisoma, nachukua kama aya mbili nami ninaanza kupeku Maandiko na, muda si muda, tayari nimetoka Mwanzo hata Ufunuo, ningali nikiendelea.

<sup>10</sup> Na, mnajua, ningetaka kuchukua wakati ambapo—ambapo tungeingilia Kitabu cha—cha Waebrania, na kuchukua kidogo tu kama... Vema, ufikapo msimu wa kindi, kama Septe-, kwenye Okt... Agosti, mwajua, na tuendelee hata wakati nitakapokwenda nchi za ng'ambo, kila usiku ni Kitabu cha Waebrania, ama Kitabu cha Kutoka. Jinsi Mungu, Kutoka, akiwatoa watu Wake kutoka Misri, kutoka! Mfano mzuri sana wetu sisi tunapoijitayarisha kutoka. Ni, loo, ni jambo zuri sana. Maandiko yote yanaafikiana, na ni Hadithi moja kubwa.

<sup>11</sup> Sasa, asubuhi ya leo tungali—tungali katika Kitabu cha... Ilikuwa tuzichukue sura tatu za kwanza tatu za—za Kitabu cha Waefeso. Barua ya Paulo kwa Waefeso huko Efeso, akijaribu, kuliweka kanisa mahali pake. Na kabla tu hutujaliendea, naomba tuchukue tu dakika moja au mbili za maombi, kabla tu hatujafanya hivyo.

<sup>12</sup> Ee Bwana, Mungu wetu, tunakuja katika Uwepo Wako sasa, vivi hivi tukiwa hatustahili, hata hivyo tunajua ya kwamba kuna Dhabihu ya Damu pale inayongoja, ikitusafisha na uchafu wote, na kutuwakilisha mbele za Baba, wasio na hatia, wasio na kosa. Hakuna kitu tungaliweza kufanya kustahili jambo hili. Bali kwa kuwa Yesu alikuwa amefanya jambo hili kwa ajili yetu, tunasujudu Mbele Zake na Jina Lake kwa unyenyekevu, tukiomba kwamba utampeleka Roho Mtakatifu asubuhi hii kati yetu. Na kwa vile mimi si mwanatheolojia ama sijui jinsi ya kuweka Maandiko kwa utaratibu, bali ni mwenye shauku na shukurani kwa kumhisi Roho Mtakatifu anapopitia ndani ya utu wangu, naomba atubariki sisi sote tunapolisoma Neno Lako lililoandikwa, lipate kuwa Uzima wa Milele kwetu. Jalia, Baba. Tunaomba hayo katika Jina la Yesu na kwa ajili ya Yesu. Amina.

<sup>13</sup> Sasa ningesema ndani hapa, kwanza, kwamba kama wakati wo wote ningesema jambo ambalo halikubaliki, kutoliweka vizuri, labda haliambatani kabisa na mafundisho yenu, ama

jambo ambalo hungeweza kukubaliana nalo, ninamtumainia Roho Mtakatifu, ya kwamba atalifanya likolee sana na liwe tamu sana hata hapatakuwa na... halitaudhi kamwe. Mnaona? Kwamba itakuwa—itakuwa kwa upendo na ushirika, ya kwamba hivyo ndiyo ilivyo—... ndivyo ilivyokusudiwa.

<sup>14</sup> Na haya yote yalianza na mahubiri ya Jumapili iliyopita, naamini ndivyo ilivyokuwa, asubuhi ya Jumapili iliyopita, kama, *Mfalme Aliyekataliwa*. Kuna mtu ameipata kanda hiyo hivi sasa? Nafikiri wanazo, nanyi mnawenza kuzipata mkizitaka, *Mfalme Aliyekataliwa*.

<sup>15</sup> Sasa ni siku chache tu na tutataanzia kule... kule Middletown, Ohio. Tunawataka wote waliopanga likizo za—zao kwenye wakati huo wahakikishe kukutana nasi kule, kwa kuwa tunatarajia wakati mzuri sana wa ushirika huko Middletown, Ohio. Daktari Sullivan ndiye mwenyekiti, nafikiri, wa hiyo kamati. Na utakuwa wa usiku kwa siku tano, nitakuwa nikihubiri kama m—mgeni mashuhuri kwenye Mkutano wa Kimataifa wa kanisa la Mchanganyiko wa Madhehebu. Na halafu—halafu baada ya huo, tutaendelea na mikutano yetu wenyewe. Tayari tumeipanga hata tarehe kumi na mbili, bali kwa uelewano kwamba huenda tukaendelea hata kwa juma lingine moja baada ya hapo, inategemea tu jinsi Roho Mtakatifu anavyoongoza. Sote tunataka kuongozwa na Roho; lile tu Roho analosema lifanywe, basi tunalifanya haraka.

<sup>16</sup> Na hebu tukumbukeni huku tunapomtii Roho, somo moja kuu tunalotaka kujifunza, ni wakati wo wote kutokuwa na haraka. Mnaona, chukua wakati wako, uwe na imani. Kama tumemwomba Mungu lo lote, kumbukeni Mungu hujibu maombi. Yeye huyajibu katika wakati Wake, jinsi aonavyo ni bora, analifanikisha kwetu. Na kama sivyo ilivyo, basi tunafanya nini hapa asubuhi ya leo? Tu—tunadai Ukristo kwa ajili gani? Mungu... Kama hili si Neno la Mungu, basi si la kweli, basi sisi tunajikuta tu watu walio maskini kuliko watu wote.

<sup>17</sup> Nina furaha sana kuungana moyoni na watu wengi hapa amba wanajua kwamba Hilo ni Neno la Mungu lisilokosea. Basi Hilo, Hilo ni Kweli kwa kila Neno, kila Neno Lake, kila fungu Lake. Na kwa neema ya Mungu, kama nilivytunukiwa kuiangalia ile Nchi ambayo siku moja tutaizuru.

<sup>18</sup> Jana. Watu hawajui jinsi nyakati za huzuni huandamana na huduma ya namna hii. Nilihuzunika mno, ndipo nikamwambia mke wangu, “Laiti ningaliaga dunia.”

Akasema, “Mbona unasema hivyo, Billy?”

Nikasema, “Hapa nina shida na kadhalika.”

<sup>19</sup> Ndipo ilionekana kana kwamba Roho Mtakatifu alisema, “Je! unajaribu kuziepa? Hivi, hivi unajaribu kuzipiga chenga?” Mnaona?

<sup>20</sup> “La,” nikasema, “hebu nisimame thabiti mbele za hayo yote na kuyakabili. Mnaona, hebu tu . . .” Mnaona?

<sup>21</sup> Ni bora zaidi. Kwa kweli, hakika, nasema hivi kwa ushahidi wa kuona kwa macho, ya kwamba mara tu maisha haya yaishapo, tunaingia katika Nchi ambayo imepita cho chote mtu ye yote anaweza kuwazia. Na kama kuna wageni wo wote humu, natumaini ya kwamba hamta- . . . Naomba Mungu ya kwamba hamtanidhania kuwa mshupavu wa dini. Na—nataka, kama kuna jambo lo lote, niwe mwaminifu na kusema Kweli. Na ingenifa nini kusema ya uongo, wakati kuna mengi—kuna mengi sana hapa yaliyo Kweli. Sisi, mbona tuseme uongo wo wote juu yake? Mnaona? Hiyo, hiyo ni Kweli tu.

<sup>22</sup> Na, si ajabu, naamini Paulo alinyakuliwa juu hadi katika mbingu ya tatu, naye akaona mambo asiyoweza kutamka. Na siku moja akasema, “Mambo ambayo jicho halikuyaona, wala sikio halikuyasikia, wala hayakuungia katika moyo wa mwanadamu, mambo ambayo Mungu aliwaandalia (aliwawekeea) hao wampendao.”

<sup>23</sup> Loo, ni kuishi tu . . . Tunaishi katika tita la takataka chini hapa, hivyo tu, lundo tu la takataka lililoja—lililoja moshi unaofuka kutoka kwenye kinyaa. Wa . . . Hata kama hatujatiwa uchafu nao sisi wenyewe, tunaishi ndani yake, mahali ambapo moshi unafuka kutoka kwenye miali ya moshi wa dhambi. Moja ya mambo ya kuchukiza sana ninayoweza kuwazia, ni jaa la taka la kale la mji linaloteketea. Uliwahi kuwa karibu na moja? Hiyo harufu inayochukiza sana, harufu mbaya ya takataka iliyofuka moshi kutoka kwenye namna zo zote za kinyaa. Nawe—nawe unaivuta, nayo inakuchefua tu.

<sup>24</sup> Nakumbuka iliponibidi kushuka kwenda New Albany, kutelemka . . . chini ya Barabara ya Nane, pale ambapo lile jaa la kale lilipokuwa, nami ilinibidi kuchukua kule chini na kusoma mita. Nami niliichukia siku hiyo ilipofika, njia ya kumi na nane, iliponibidi kuipitia hiyo chini kule, kwa kuwa ilikuwa ni kunusia hiyo harufu ya kuchukiza. Hata hivyo, miili ya panya na mbwa na kila kitu ilikuwa kule, mwajua, ilikuwa ikiteketeta na moshi huo wa kale unafuka kutoka kwake.

<sup>25</sup> Sasa, hata hivyo, hivyo ndivyo maisha haya yanavyoilinganishwa nalo, yakiwa kwenye ubora wake kabisa. Yanaungua tu, dhambi inanuka kutoka kila mahali, jinsi hilo liliyvo, tukinena kiroho. Lakini, loo, mahali ambapo upепo unavuma wazi, na kila kitu kinapendeza na amani na furaha na Uzima wa Milele, nga’mbo tu ya ule mto. Lakini tuko vitani, kwa hivyo hebu tusilale tu na kusema “hebu tufanye hima twende kule,” hebu na tumlete kila mtu tunayeweza kumleta. Ndiyo.

<sup>26</sup> Na sasa kusudi la masomo haya ni kuwatia nanga wale ambao tayari wamefika Nchini. Kusudi la somo hili, Kitabu

hiki cha Waefeso, ni kuliweka kanisa mahali pake ambapo linasimama imara katika Kristo. Ni mfano wa Agano la Kale na Kitabu cha Yoshua, ambapo Yoshua aliwagawia. Jumapili iliyopita tulikuwa nalo, ambapo Yoshua aliigawa ile ardhi kwa kila mtu. Naye alifanya hivyo kwa uvuvio.

<sup>27</sup> Jinsi Musa ali-... alivyowatoa watu kutoka Misri, vitunguu saumu, vitunguu, wakatoka, naye akawapa mahali ambapo Mungu alikuwa ameahidi miaka mia nne baadaye... au miaka mia nne hapo kabla, kwamba Yeye angewaleta mahali fulani, nchi nzuri yenyenye wingi wa maziwa na asali. Naye Musa akawaongoza wana wa Israeli moja kwa moja hadi kwenye nchini ile, bali yeche hakuwaingiza.

<sup>28</sup> Naye Yesu, kwa watu wa kiroho, kwa watu ambao wata-... tumeahidiwa Roho Mtakatifu tangu hapo mwanzo, Yesu alituongoza kwenye ile ahadi. Bali Roho Mtakatifu akaja, kama Yoshua, kutwaa mamlaka na kutuongoza na kutuelekeza mpaka kuja kuimiliki nchi, au kumiliki kanisa. Tunaona, kimsingi, basi, ya kwamba katika ninii yetu...

<sup>29</sup> Sasa hapa ndipo, labda, watu wanaweza kufikiria kwamba mimi ni mjeuri na ninajaribu kutowajali ndugu. Mimi siko hivyo! Mungu na awe Hakimu wangu, siwadharau. Mnaona? Ninajaribu tu kuonyesha jambo ambalo ni Kweli. Mnaona? Tuna viongozi waliochaguliwa na binadamu, badala ya uongozi—viongozi—uongozi wa Roho Mtakatifu. Tumetaka mwanadamu atugawie sehemu yetu na kutuongoza, madhehebu kama Methodisti, Wabatisti, Wapresbiteri, Waluteri, Church of Christ, Wapentekoste, na madhehebu mbalimbali, kuweka madhehebu kama mfano, nasi tunaufuata huo. Lakini sisi...

<sup>30</sup> Hakuna mahali po pote katika Biblia ambapo tumeambiwa tufanye jambo kama hilo. Hakuna fungu moja la Maandiko, katika Biblia yote ya Mungu, ambapo aliwahi kufanya kanisa madhehebu ama ambapo alipata kuzungumza juu ya madhehebu, hakuna mahali hata pamoja katika Biblia. Bali daima ni kinyume chake. Yeye hataki tufanane na mambo ya ulimwengu. Anatutaka tuwe watu maalum, waliotengwa.

<sup>31</sup> Simaanishi sasa kuwa “wapumbavu,” kama tunavyosema. Namaanisha tuwe watu walioitwa wakatoka, loo, taifa takatifu na lililobarikiwa, tukiishi maisha ambayo hayana shutuma, tukitenda, tukienenda kama vile Yeye angelienenda, akitenda kazi ndani yetu, kwa kuwa tu kazi Yake, tuliumbwa katika Kristo Yesu tutende matendo mema.

<sup>32</sup> Sasa, Jumatano usiku, wengi wenu hamkuwa hapa Jumatano usiku, bali tulifikia... Naamini ni kifungu cha 3 au cha... La, ni kifungu cha 5.

... *Ili tufanywe wanawe*, au watu kuwekwa mahali pao...

<sup>33</sup> Jinsi ambavyo Mungu, akijaribu kuwaweka watu Wake. Na Mungu anapomweka mtu mmoja mahali pake, ndipo, loo, kanisa lote linataka kuwa kama huyo, wapate vitu vya aina ile ile, wafanye jambo lile lile. Sisi tumeumbwa tofauti, tumelewa tofauti, tumepewaa malezi tofauti, na tumewekwa mahali petu tofauti, kila mmoja kwa ajili ya kazi tofauti; labda mmoja kwa ajili ya kazi fulani ndogo, mwingine kwa kazi kubwa. Naamini ilikuwa Daudi ama mmoja wa manabii, nasahau sasa, aliyesema, “Ningependa kuwa zulia ya mlangoni katika Nyumba ya Bwana, kuliko kukaa katika hema na wa- . . . waovu.

<sup>34</sup> Sasa tutasimama kwa nukta moja tu juu ya kufanywa wana wenye mamlaka, aya ya 5, tukijaribu kuendelea kusoma umbali tuwezaao juu yake. Lakini sasa kumbukeni lile somo, kwa jumla ni juu ya kuwekwa mahali pako. Ni wangapi wanaofahamu jambo hilo? Hebu tuwasikie mkiseme hilo kwa neno moja. Kuweka [Kusanyiko linasema, “Kuweka”—Mh.] Mwili [“Mwili”] wa Yesu Kristo [“wa Yesu Kristo”] mahali pake [“mahali pake”] katika Kristo [“katika Kristo”] ambapo Roho Mtakatifu [“ambapo Roho Mtakatifu”] anatuongoza. [“anatuongoza.”] Naam basi, sasa tumelipata, mnaona. Kutuweka mahali petu, Kitabu cha Efeso kitafanya hivyo.

<sup>35</sup> Basi mwangalie huyu mwalimu hodari, Paulo. Jambo la kwanza analofanya ni kuondolea mbali wazo lote la kuanguka. Kuondolea mbali wazo lote la kila mara “kuwa Mkristo leo na kesho nimepotea, na siku inayofuata Mungu alinihukumu na siku ifuatayo nimerudi tena.” Huo ni upuuzi! Sasa hiki ni . . . Kitabu hiki hakikuandikwa kwa ajili ya mafundisho ya kiinjilisti, mahubiri ya wainjilisti. Sisi hatu- . . . Siligusii jambo hili huko kazini. Nalileta hili kanisani, kwa kuwa Paulo aliliandikia watakatifu, wale ambaao wameitwa na kuhifadhiwa, na wamejazwa na wakawekwa kando, nao wako katika Roho Mtakatifu, tayari wamo katika Nchi ya Kanaani. Yeye anajaribu kuwaambia, jambo la kwanza, sahauni kabisa kwamba mtapotea na mtafanya *hivi*, na mnaogopa *hili*. Msiogope kitu, kwa kuwa anajaribu kuwaambieni mlipo, mu nani, jinsi mnavyosimama.

<sup>36</sup> Sasa, waweza ukatenda mambo makosa, na kila unapofanya mambo vibaya utayajutia. Naam, bwana, utavuna unachopanda! Bali hilo halina uhusiano wo wote na wokovu wako. Unapozaliwa na Roho wa Mungu, una Uzima wa Milele na huwezi kufa kamwe kama vile Mungu asivyoweza kufa. Wewe ni sehemu ya Mungu, wewe ni mwana wa Mungu.

<sup>37</sup> Nilizaliwa Branham. Huenda ukarifanya jina lingine, baadhi ya majina mengine, bali hutanifanya nisiwe hata kidogo, mimi ningali Branham. Nilizaliwa Branham, daima nitakuwa Branham. Nita- . . . Labda nitaharibiwa sura sana siku moja, niambukizwe yabisi kavu, nipate ajali ya motokaa na nijeruhwiwe

sana hata nionekane kama mnyama, bali ningali nitakuwa Branham! Kwa nini? Damu ya Branham imo ndani.

<sup>38</sup> Hivyo ndivyo wewe ulivyo. Na mradi tu Mungu amekufanya . . . Sasa kumbuka, siwazungumzii hao walio nje ya Kristo. Nawazungumzia hao walio ndani ya Kristo. Unaingiaje katika Kristo? "Kwa Roho mmoja!" Herufi kubwa R-o-h- . . . ambayo inamaanisha, "Kwa Roho Mtakatifu mmoja sote tumebatizwa kuwa Mwili mmoja." Je, sisi . . . Sisi tunaingiaje? Kwa ubatizo wa maji? Jinsi nisivyokubaliana na ninyi Wabatisti na ninyi wa Kanisa la Kristo. Si kwa ubatizo wa maji, la hasha! I Wakorintho 12, ilisema, "Kwa Roho mmoja, Roho Mtakatifu, tunaingizwa katika Mwili huo." Nasi tu salama kama vile Mwili huo ulivyo salama. Mungu ni . . . aliahidi.

<sup>39</sup> Mungu angewezaje kumhukumu tena, na huku Yeye alienda Kalvari? Akipanda kwenda Golgotha, alipigwa, akajeruhiwa, Yeye hangeweza kuponya, hangeweza hata kunena neno, ilikuwa vigumu. Kwa sababu gani? Alikuwa amebeba dhambi za ulimwengu. Si kwa sababu Yeye alikuwa mwenye dhambi, bali "Yeye alifanywa dhambi" kwa ajili yangu na kwa ajili yako. Dhambi zote za ulimwengu tangu Adamu hata kuja Kwake, zilikuwa juu ya bega Lake. Naye Mungu hakuwa anamwadhibu Mwanawе. Alikuwa akiadhibu dhambi. Unaona jinsi ilivyokuwa ya kuchukiza? Alikuwa akifanya upatanisho. Alikuwa akifanya njia ya kuerekuria kwa wale wote ambao Mungu, kwa kujua Kwake tangu zamani, alijua wangkuja. Tutaingilia jambo hilo katika dakika chache.

<sup>40</sup> Sasa, basi, unapokuwa "kwa Roho mmoja tumebatizwa katika Mwili huo, Mwili mmoja, ambao ni Kristo," nasi tu salama milele.

<sup>41</sup> Sasa, hapo ndipo inaonekana kama inagusa kipekee, hasa sana hao—hao—hao waumini Waarmenia, kwamba wao ni . . . ati wenywewe hawana budi kufanya jambo fulani kusudi wastahili, ama jambo fulani la kustahilisha. Yawezaje kuwa kwa njia mbili wakati ule ule? Aidha ni kwa neema au matendo, mojawapo. Haiwezi kuwa ni kwa jambo lile lile, ni kwa mambo mawili mbalimbali; haina budi kuwa ni kwa njia moja. Ina- . . .

<sup>42</sup> Mimi, loo, siwezi tu kuona kitu kingine ila neema ya Mungu. Nimeumbwa hivyo. Daima nimeamini katika neema. Mimi ni neema kila mahali, hiyo tu. Si mimi—mimi . . . hata maishani mwangu, nilipokuwa kijana, sikuweza kuona cho chote, ilikuwa tu ni neema, neema, neema. Wao walisema "Nita—nita— . . . Nikune mgongo wangu nami nitaukuna wako." Vema, huo ni msemo mbaya sana. Bali sijali kama utaukuna wangu au la, kama wako unahitaji kukunwa, nitaukuna kwa vyo vyote. Mnaona, neema. Naam, bwana. Mnaona, neema hutenda kazi kwa upendo. Iwapo unahitaji hilo! Haidhuru kama hujanifanyia cho chote kamwe. Ha—hata kama sijakuwa na uhusiano wo wote

nawe, kama una haja nitakutimizia kwa vyo vyote. Neema! Kwa kuwa unaitaka!

<sup>43</sup> Nilihitaji kuokolewa. Hakukuwa na kitu kingaliweza kuniokoa. Nisingaliweza kufanya lo lote juu yangu, nisingalijiojoka hata nifanyeje. Bali nilihitaji kuokolewa, kwa kuwa niliamini katika Mungu fulani. Naye Mungu akamtuma Mwanawе, aliyefanywa katika mfano wa mwili wenyе dhambi, kuteseka badala yangu, nami nikaokolewa, niliokolewa kwa neema pekee. Nisingeweza kufanya hata jambo moja, au wewe ufanye, kujikoka mwenyewe. Na wale Yeye aliotangulia kuwajua kabla ya kuwekwa misingi ya ulimwengu...

<sup>44</sup> Tumekuwa nalo Jumatano iliyopita, juma moja, tukamwona Mungu katika Elah Yake, Elohim, na tukaonyesha kwamba alikuwa anayeishi peke Yake. Bali ndani Yake mlikuwemo Ubaba, ndani Yake mlikuwa na sifa mbalimbali, kama vile Mwokozi, kama vile Mponya. Hizo zote zilikuwa katika Mungu, naye Mungu alikuwa akikaa peke Yake. Ila kwa kuwa Yeye alikuwa Mwokozi, alikuwa Baba. Yeye hakuwa na Malaika, hakuwa na kitu. Hapakuwepo na cho chote ila Yeye. Alikuwa akikaa peke Yake. Hakuna kingine kilichoishi ila Mungu.

<sup>45</sup> Bali kwa kuwa Yeye alikuwa ni Mungu, basi hapana budi pawepo na kitu cha kumwabudu, kwa maana Yeye alipenda kuabudiwa. Basi Aliye Hai akaumba viumbwe wapate kumwabudu. Sasa, kwa muda mufupi, hebu na tuligusie tena, kwa muda mfupi sasa, hatutapitia kwenye jambo hilo lote, bali mtalipata kwenye kanda. Lakini basi kwa sababu alikuwa Mungu, aliwafanya Malaika, nao Malaika wakamwabudu. Malaika wangali wanamwabudu. Mbона, Malaika wanaosimama Mbele za Mungu wana sita, jozi za mabawa, mabawa sita. Kwa mawili wanafunika nyuso zao, mawili juu ya miguu yao, na wanaruka na mawili, katika Uwepo Wake, wakilia mchana na usiku, "Mtakatifu, mtakatifu, mtakatifu, Bwana Mungu Mwenyezi." Hivyo ndivyo yasemavyo Maandiko. Wao walimwabudu, sasa yule aliumba kitu cha kumwabudu Yeye.

<sup>46</sup> Kisha ndani Yake mlikuwemo sifa za kuwa Mwokozi. Mmoja wa viumbwe hao angewezaje, wakati hakukuwemo na dhambi au mawazo ya dhambi, mmoja wao angepoteaje? Haingaliwezekana. Kwa hivyo kulipaswa kufanywe kitu fulani ambacho kingepotea, ili kwamba aweze kuwa Mwokozi. Ndani Yake mlikuwemo Mponya. Mnaamini alikuwa Mwokozi? [Kusanyiko linasema, "Amina."—Mh.] Mnaamini alikuwa Mponya? ["Amina."] Lakini, vipi kama hapakuwepo na kitu cha kuokoa au kuponya? Mnaona, kulipaswa kuwe na kitu kilichofanywa kwa njia hiyo.

<sup>47</sup> Kwa hiyo sasa, Yeye hakuifanya namna hiyo, bali alimpa mwanadamu uhuru wa kujichagulia, "Kama ukichukua *hii*

utaishi, na kama ukichukua *ile* utakufa.” Na kila mtu anayekuja ulimwenguni yungali amewekwa katika hali ile ile. Mungu, kwa kujua Kwake tangu zamani, alijua ni nani angefanya hivi na ni nani hangefanya. Iwapo Mungu akiwa . . .

<sup>48</sup> Swali liliulizwa jana na mwanatheolojia, akaniuliza mimi, ambaye amekuwa akihudhuria mikutano hii ama akisikiliza kanda, kasema, “Swali moja!” Akasema, “Basi Mungu yuko kila mahali? Kisha,” akasema, “Anaweza kuwa kila mahali?”

<sup>49</sup> Nikasema, “Yeye hayuko kila mahali jinsi neno linavyozungumzia kuwa kila mahali. Yeye hawesi kuwa Aliye Hai na awe kila mahali. Kama Yeye yu kila mahali, mbona basi uombe upewe Roho Mtakatifu? Kama Yeye yuko kila mahali, Yeye amejaza kila mwanya, kona, ufa, kila chembechembe, uzi, kila kitu kingine kilichopo.” Nikasema, “Mbona alimtafuta Musa, kama Yeye yuko kila mahali, mwishoni? Mbona Yeye alikimbia huko na huko katika bustani ya Edeni, akilia, ‘Adamu, Adamu, uko wapi?’ kama Yeye yuko kila mahali?”

<sup>50</sup> Yeye yuko kila mahali kwa sababu Yeye anajua yote. Anajua yote kwa sababu Yeye hana mwisho, na kutokuwa na mwisho kunamfanya Yeye awe kila mahali. Akiwa kila mahali, halafu, akiwa asiye na mwisho, ndipo, Yeye huketi katika Mbingu. Anakaa mahali fulani kwa sababu Yeye ni Aliye Hai.

<sup>51</sup> Lakini, akiwa asiye na kikomo, basi anajua mambo yote. Akijua kila wakati mbu anapopepesa jicho lake. Jinsi kila nyuki, anakoenda kwenye sega kupata asali yake. Yeye anajua kila shomoro anayeketi mtini. Yeye anajua kila wazo lililo moyoni mwako, kwa kuwa hana mwisho na anajua yote. Hiyo ni kusema, Yeye si asiye na kikomo tu, mbali ni mjua yote, anajua kila kitu. Bali Yeye ni Aliye Hai, Mungu ni Aliye Hai, kutoka kwa Aliye Hai huyu haya yakaanza kutokeea.

<sup>52</sup> Nayo dhambi, nilisema hivi majuzi usiku, dhambi si kitu kilichoumbwa. Hakuna kilichoumbwa ila ukamilifu. Mungu aliumba vitu vyote vizuri. Dhambi si kitu kilichoumbwa. Kasema, “Vema, huo ni uumbaji wa dhambi hasa.” Mmesikia hilo. Bali hilo ni kosa. Dhambi . . . Kuna Muumba mmoja tu, huyo ni Mungu. Mungu asingweza kuumba dhambi, kwa kuwa Yeye ni mtakatifu na hakuna kitu ndani Yake cha kuifanya. Dhambi ni upotovu; si kitu kilichoumbwa, bali ni upotovu. Uzinzi ni tendo la haki lililopotoshwa. Uongo ni ukweli uliosemwa vibaya. Dhambi yo yote, dhambi yo yote ni haki iliyopotoshwa.

<sup>53</sup> Kwa hiyo sasa, Mungu huweka. Yeye tayari amejidhihirisha Mwenyewe, Yeye ni Mungu. Tayari amejidhihirisha Mwenyewe kama Mwokozi, mwanadamu alipotea Naye akamwokoa. Tayari amejidhihirisha kama Mponyaji. Haidhuru watu wanasesma Yeye ni nani; Naye ndivyo alivyo, hata hivyo, vile vile. Yeye ni Mponyaji, Yeye ni Mwokozi, yeze ni Mungu, Yeye ni wa Milele.

Naye ana kusudi. Na kusudi Lake lilikuwa, hapo mwanzo, kufanya viumbe ambao wangempenda na kumwabudu.

<sup>54</sup> Nayé akawafanya viumbe, navyo hivyo viumbe vikaanguka. Kisha Mungu, kwa kutokuwa kwake na mwisho, aliangalia katika molongo wa wakati na kuona kila mtu ambaye angeokolewa. Kila mtu, alijua hayo kwa kuju-...kwa kujua tangu zamani. Kwa hiyo kama Yeye, kwa kujua Kwake tangu zamani, alijua nani angeokolewa na ni nani hangeokolewa, angeweza kuchagua tangu zamani. Kwa hiyo, hilo neno si neno bayá hivyo hata hivyo, sivyo? Yeye aliweza kuchagua tangu zamani, kwa kuwa alijua ni nani angeokoka na ni nani asingeokoka. Kwa hiyo, ili awashike wale ambao wangeokoka, ilimbidi kufanya u-upatanisho kwa ajili ya dhambi zao. Loo, kama tunaweza, tunataka kuingilia jambo hilo, vifungu vichache tu hapo chini. Yeye alituchagua tangu zamani tupate Uzima wa Milele, akiuja kwamba wale ambao wangeweka kando kila kitu, na hata ionekane ni gumu vipi kwa wana wa ulimwengu, haingemaanisha cho chote, kwa kuwa wao walikuwa wana wa Mungu. Nayé aliwaita.

<sup>55</sup> Nayé akamtuma Yesu, kusudi Damu Yake iwe upatanisho, Upatanisho wa Damu, kufanya upatanisho, au ku—kukubalika, au utakaso. Njia ya kusafisha ili daima... Si wakati mmoja tu kwenye ufufuo, bali “yu hai sikuzote, akiwaombea,” hivi kwamba Mkristo anawekwa msafi mchana na usiku. Hiyo hapo Damu ya Yesu Kristo inayofanya ki—kibali msalabani pale, kwenye...katika Uwepo wa Mungu, ambayo hutusafisha daima, mchana na usiku, na dhambi zote. Nasi tumeingizwa ndani salama. Kuingizwa ndani vipi? Na Roho Mtakatifu, katika Mwili wa Bwana Yesu, na tuko salama. “Yeye ayasikiaye Maneno Yangu na kumwamini Yeye aliyenipeleka, yuna Uzima wa Milele na hataingia hukumuni kamwe, bali amepita kutoka mautini kuingia Uzimani.” Hakuna hukumu tena! Mkristo haingii hukumuni. Kristo alingia kule kwa ajili yake. Wakili wangu alisimama mahali pangu. Yeye alinittetea, ya kwamba sikujua. Yeye alimwambia Baba kwamba sikustahili, ya kwamba sikujua kitu. Bali alinipenda na akapachukua mahali pangu, na akanitetea, na leo niko huru! Naam, bwana. Nayé aliimwaga Damu Yake, kuitoa pale kwa ajili ya dhambi zetu.

<sup>56</sup> Kumbukeni Jumatano iliyopita usiku, hapana Mkristo... Wakristo hutenda dhambi, bali mwenye dhambi hawezi kutenda dhambi. Mwenye dhambi hafanyi dhambi, kwa sababu yeye ni mwenye dhambi. Kwanza yeye ni mwenye dhambi tu, na hakuna lingine. Hapa, chukua upande wa nyu—nyuma ya kitabu hiki, ni cheusi, ni sehemu yake gani iliyo nyeusi? Chote ni cheusi. Hakuna mahali po pote peupe, ni cheusi. Unasema, “Sehemu *hii* hapa.” La, sivyo, chote ni cheusi. Chote ni cheusi. Hivyo ndivyo alivyo mwenye dhambi. Kwanza yeye amehukumiwa. Vema, unasema, “Vipi kama akifanya uzinzi?”

Vipi kama akimnajisi mwanamke fulani? Vipi kama—vipi kama aki—akicheza karata? Vipi kama akimwua mtu?” Hiyo si kazi yetu. Hiyo si kazi yetu, tuna sheria chini huku kushughulikia jambo hilo. Sisi si watengenezaji, sisi ni wahubiri wa Injili. Hatumhukumu kwa aliyofanya, hatumhukumu kwa kufanya uasherati. Tunamhukumu kwa sababu ye ye ni mwenye dhambi! Kama ye ye ni Mkristo, hatafanya hivyo. Na jambo hilo ni kweli. Kama amekwisha kubadilishwa, hatafanya hivyo. Bali kwa sababu ni mwenye dhambi, hiyo ndiyo inayomfanya kufanya hivyo.

<sup>57</sup> Hapo ndipo inapong’oa m—mhimili chini ya washika sheria. Naam, bwana. Ndugu, hebu nikwambie, “Si kwa matendo, bali kwa neema tumeokolewa, na hiyo ni kwa imani.” Naam, bwana. Sasa, sitawahukumu ndugu washika sheria, wao ni ndugu zangu. Nao watakawako kule vile vile kama wengine wao watakavyokuwa kule, kwa maana Mungu alichagua tangu zamani Kanisa Lake liwepo. Bali jambo ni kwamba, mna—mnawatia watu wasiwasi sana, hivi hawajui nini. “Leo, vema, labda kama mimi—mimi . . .” Hebu wajue; mradi tu wana njaa ya ulimwengu, kwanza hata hawako kule.

<sup>58</sup> Siishi mwaminifu kwa mke wangu ati kwa sababu nafikiri angenitaliki. Naishi mwaminifu kwa mke wangu kwa sababu nampenda. Tumechukua msimamo halali, kwamba tunapendana sisi kwa sisi. Kwanza, kabla haujakuwako, ilibidi upendo uwepo. Nampenda. Hata ingawa naamini kama ningalitenda kosa, angenisamehe, hata hivyo nisingalifanya jambo hilo. Nampenda.

<sup>59</sup> Hivyo ndivyo ilivyo na Kristo. Kama ni—kama nikiishi . . . Nina umri wa miaka hamsini, kama nikiishi kuwa na miaka tisini au mia moja, niwe na miaka mingine hamsini ya kuhubiri; na nisihubiri hata mara moja, nishuke niende nikakae mtoni, nimeokolewa hata hivyo. Mungu aliniokoa kwa neema Yake, nisiyostahili kwa lo lote ningaliweza kufanya, niliyofanya, au kitu cho chote kile. Mimi ninahubiri kwa kuwa nampenda Yeye na ninawapenda watu Wake. Na hiyo ndiyo sababu najua nimepita kutoka mautini kuingia Uzimani, kwa sababu kwamba nawapenda na ninaenda kuwatafuta. Hata wawe katika hali gani, naenda kuwatafuta hata hivyo. Naenda kuwatafuta haidhuru, niwavute hata hivyo. Kama wahudumu wakipinga na wengine wapinge, na madhehebu yapinge, hilo halinizuii. Kuna jambo fulani! Hilo halikumzuia! Yeye aliquaja moja kwa moja katikati kabisa ya kutokuamini, na hiyo haikumzuia, alisonga mbele hata hivyo. Hivyo ndivyo tunavyofanya, tunaenda kuwatafuta, kuwapata kwa vyo vyote. Hata iweje, waendee, wanyakue, washikilie kwa nguvu zako zote. Hujui hao ni nani. Waokoe. Hiyo ni kwa sababu ya upendo. Si ati kwa sababu “inanipasa kufanya hivyo,” bali ni kwa sababu napenda, kwa sababu unapenda.

<sup>60</sup> Wakasema, “Yanipasa kwenda nikasahihishe jambo hilo na mwanamke huyo, lakini, nakwambia sasa hivi, nafikiri kwa sababu mimi huenda kanisani yanipasa nikalisahihishe.” La, wewe ndiwe unayepaswa kujiweka sawa, kwanza. Unaona? Unaona? Iwapo huna upendo wa Mungu moyoni mwako, kitu fulani au cho chote kile kinachokufanya ujue kwamba umekosea, kisha unaenda—kisha unaenda na kulisahihisha mbele za Mungu. Kisha utalisahihisha kwa jirani yako.

<sup>61</sup> Yesu alifundisha jambo lile lile. Alisema, “Kama ukija kwenye madhababu, na kuna . . . ukumbuke kuna neno dhidi ya jirani au ndugu, nenda kalisahihishe kwake, kwanza.”

<sup>62</sup> Sasa, sasa katika nyakati zinazopaswa kuja. Tulikuwa nayo Jumatano usiku, “yale madhihirisho.” Tunalipata tena asubuhi ya leo, katika “kudhihirishwa kwa wana wa Mungu,” sasa mahali ambapo Mungu arangojea. Halafu kwenye mwisho wa wakati wakati sote tutasimama mbele Zake. Malaika hawakupotea. Hawatajua jinsi ya kufurahia hizo baraka kama tujuavyo, hao kamwe hawakupotea. Bali mimi najua nilikotoka, najua mwamba nilimotolewa, mwenye dhambi. Unajua ulikotolewa. Sasa tukisha patikana, ndipo tunaweza kusimama mbele za Mungu. Loo, itakuwa siku ya namna gani!

<sup>63</sup> Halafu kufanywa wana wenye mamlaka, kuwekwa mahali petu. Sasa, wema wa Mungu wapaswa kutenda kazi. Na sasa kama naweza kuwaeleza jambo hili, ndipo tutaanza sasa hivi katika aya ya 5, nataka kuisoma.

*Kwa kuwa alitangulia kutuchagua, ili tufanywe  
wanawe kwa njia ya Yesu Kristo, sawasawa na uradhi  
wa mapenzi yake Mwenyewe.*

<sup>64</sup> Mungu hupendezwa kufanya mapenzi Yake, kufanya wana wenye mamlaka, kuwaweka mahali pao. Sasa, Yeye anafanya nini? Analiveka Kanisa Lake mahali pake. Kwanza, ameliita kanisa Lake, Methodisti, Presbiteri, Luteri, Batisti, akiwaita. Kisha alifanya nini? Akamtuma Roho Mtakatifu na kuwapa ubatizo wa Roho Mtakatifu.

<sup>65</sup> Nawataka ninyi Wapentekoste mwondoe jambo hili moyoni mwenu. Pentekoste si madhehebu, pentekoste ni ujuzi. Ni Roho Mtakatifu. Si madhehebu. Usingeliweza kumfanya Roho Mtakatifu madhehebu. Yeye hatavumilia jambo hilo. Sasa mna madhehebu mnayoita hivyo, bali Roho Mtakatifu hutoka nje kabisa na kuwaacha mmeketi papo hapo mlipo, na anazidi kusonga mbele. Mnaona? Pentekoste si madhehebu, pentekoste ni ujuzi.

<sup>66</sup> Halafu Mungu akawapa watoto Wake Kuzaliwa upya, kwa ubatizo wa Roho Mtakatifu. Waliukaribia sana walipojisafisha, kwa njia ya Wanazarayo, Pilgrim Holiness. Kisha wakaingia kwenye ule ujuzi wa pentekoste, wa ubatizo wa Roho Mtakatifu, kurudishwa kwa karama. Wakaondoka wakaenda wakinena

kwa lugha na kufasiri lugha, na wakapewa karama za kuponya na miujiza, na ishara na maajabu vikaanza kuandamana nao. Sasa wao ni watoto, wao ni watoto wa Mungu. Wao wako mahali pao katika Kristo, wamekuwa watoto kwa Kuzaliwa. Na Kuzaliwa upya na kuongoka Kwenyewe ni Roho Mtakatifu.

<sup>67</sup> Hujaongoka bado mpaka umempata Roho Mtakatifu. Hivyo ndivyo Maandiko yalivyosema. Yesu alimwambia Petro, mwulize mtu ye yote, soma Maandiko yako, yeye alihesabiwa haki kwa kumwamini Bwana Yesu, akawa mfuasi, mtume. Yesu alimpaa funguo za Ufalme. Na Yohana 17:17, akawatakasa, akawapa nguvu, akawatuma, wakatoa pepo na kadhalika, akawatakasa. “Uwatakase, Baba, kwa Kweli Yako. Neno Lako ndiyo Kweli. Ninajitakasa Mimi Mwenyewe kwa ajili yao.”

<sup>68</sup> Hayo ni baadhi ya maneno matamu sana niliyopata kusikia. “Baba, najitakasa Mimi Mwenyewe kwa ajili yao.” Je! mnajua ya kwamba Yeye alikuwa na haki ya kuwa na nyumba? Yeye alikuwa mwanadamu. Unajua kwa nini alikuwa na haki ya kuwa na mke? Yeye alikuwa mwanamume. Alikuwa na haki ya mambo haya yote, bali alisema, “Baba, najitakasa Mimi Mwenyewe kwa ajili yao. Najitakasa Mimi Mwenyewe.”

<sup>69</sup> Nilizungumza na maskini mhubiri mmoja jana, naenda kumsaidia kuhubiri katika siku chache usiku huku juu kwenye barabara kuu. Nami nilimwuliza juu ya jambo fulani, akasema, “Naam, Ndugu Branham, lakini wengi wa watu wangu hawaamini jambo hilo.”

Nikasema, “Karibu wote ni washika sheria?”

<sup>70</sup> “Naam.” Huyo ndugu haamini jambo hilo. “Lakini,” akasema, “kwa ajili yao!” Loo, nilitaka kukumbatia shingo yake. “Kwa ajili yao, mnaona, najitakasa mimi mwenyewe kwa ajili yao.”

<sup>71</sup> Loo, Yesu alikuwa akiwafundisha watu kumi na wawili, ili kwamba kwa watu hao kumi na wawili apate kuipeleka Injili ulimwenguni. Naye akasema, “Kwa ajili yao najitakasa Mimi Mwenyewe.” Jifanye mwenyewe kwa ajili ya jirani yako, kwa ajili ya mtu mwингine. “Usitumie uhuru wako kwa kusitiri mambo,” alisema Paulo, “bali wewe mwenyewe jitakase!” Enenda katika tabia jema kwa jirani zako, kama Mkristo halisi anavyopaswa kufanya. Hebu mazungumzo yako yawe, kama ukikutana na adui wako, jitakase wewe mwenyewe kwa ajili yake, bila kujuja jambo ambalo ungefanya.

<sup>72</sup> Sasa kumweka mwana mahali pake. Jambo la kwanza baada ya mwana kuingia, akawa mwana, lakini tunaona kwamba matendo yake ndiyo yaliyomfanya afanywe mwana, kama alikuwa na tabia nzuri au la.

<sup>73</sup> Na ni Pe—Pentekoste... Sasa hebu niwaonyeshe kwamba Pentekoste si madhehebu. Ni Wabatisti wangapi hapa ambao walikuwa Wabatisti, waliompokea Roho Mtakatifu, hebu tuone

mkono wako. Mnaona? Ni Wamethodisti wangapi walio hapa ambao walimpokea Roho Mtakatifu, inua mkono wako. Ni Wanazarayo wangapi hapa ambao walimpokea Roho Mtakatifu, inua mkono wako. Wapresbiteri, wamempokea Roho Mtakatifu? Mnaona? Waluteri? Madhehebu mengine, ambayo hayakuwa ya Kipentekoste kamwe, wao ni washiriki tu wa madhehebu fulani, walimpokea Roho Mtakatifu, hebu tuone mkono wako. Mnaona? Kwa hiyo basi pentekoste si madhehebu, ni ujuzi.

<sup>74</sup> Sasa, Mungu alikuingiza katika Mwili wa Kristo. Sasa Yeye anafanya nini? Ukiisha kujithibitisha mwenyewe, ukajitakasa kwa tabia zako njema, mtifupi kwa Roho Mtakatifu, haidhuru ulimwengu ulisema nini.

<sup>75</sup> Ni—nitasisitiza jambo hili sana, mnaona, kwa sababu simaanishi kuwa mkorofsi. Mimi—mimi... tafadhali kweli msi—msi—kweli msifikiri hivyo, mnaona. Msifikiri kuwa mimi—mimi kweli ni duni. Si—sitaki kuwa hivyo. Kinachonichosha, ni kuwachukua watu na kuwahubiria Kweli hii iliyotumwa na Mungu, nao watageuka moja kwa moja na kuendelea kufanya jambo lile lile, na kusema wana Roho Mtakatifu. Hilo karibu linakuangamiza, unaona. Kuna nini? Wanarudi moja kwa moja kwenye jambo lile lile, kama tu vile wana wa Israeli, walitaka mfalme ili huyu mfalme awatawale na kuwafanya watende kama Waamori na Waamaleki na Wafilisti.

<sup>76</sup> Mnajua, enyi mabibi, kwamba ni makosa kuvaavu suruali ndefu? Mnajua hivyo? Mnajua ni makosa kukata vishungi vyaa nywele zenu? Unajua ni makosa, ewe bwana, kwako kuendelea kuvuta sigara na kutenda unavyotenda? Unajua ni makosa kwako kutokuwa mume wa nyumba yako, mkeo kushikwa na hamaki ndogo na kukufukuza nyumbani nawe unasema, “Naam, nakutakia heri, mpenzi, nitarudi moja kwa moja”? Unajua wewe... Unawezaje kuwa mlinzi wa Nyumba ya Mungu na huku hata huwezi kutawala nyumba yako mwenyewe? Hiyo ni kweli kabisa. Unajua, dada, ya kwamba mumeo si mumeo tu, bali ni mtawala wako? Mungu alisema hivyo. Kwa kuwa mume hakudanganywa, mwanamke alidanganywa. Nanyi wahubiri mtaendelea kuwafanya wanawake wachungaji na wahubiri makanisani mwenu, mkijua kwamba Neno la Mungu linahukumu jambo hilo.

<sup>77</sup> Mtaendelea kutumia jina hilo “Baba, Mwana, na Roho Mtakatifu” kubatiza, wakati hakuna chembe moja ya Andiko kwa jambo hilo katika Biblia. Nataka askofu mkuu au mtu mwininge anionyeshe mahali mtu ye yote katika Biblia aliwahi kubatizwa katika jina la “Baba, Mwana, Roho Mtakatifu.” Nataka mtu fulani anionyeshe mtu ye yote aliyepata kubatizwa kwa njia nydingine yo yote mbali na Jina la Yesu. Bali wa Yohana hawakuwa... wamebatizwa, walibatizwa wakiamini kwamba alikuwa anakuja, bali hawakuja Yeye alikuwa nani. Ila mara tu walipotambua jambo hilo, iliwabidi kuja na kubatizwa tena

katika Jina la Yesu Kristo. Nataka mtu fulani afanye hivyo. Ni—nimewauliza Assemblies of God, hao wahubiri wengine, Wabatisti, Wapresbiteri, na kila kitu, hawataki, hawatazungumzia jambo hilo. Nataka kuyaona hayo Maandiko.

<sup>78</sup> Kisha ati mimi ni “mshupavu wa dini,” a-ha, kisha ati mimi nina “kichaa,” nimerukwa na akili, mimi ni “mwenda wazimu,” kwa sababu tu kwamba ninajaribu kuwaambieni Kweli? Sasa, hilo—hilo ni uaminifu, enyi ndugu. Kama mtu amejitolea kabisa kwa Mungu, umejitolea kabisa kabisa, kwa hali na mali. Wewe—wewe—wewe ume—wewe umewekwa wakfu, wewe ni—wewe ni kiumbe tofauti.

<sup>79</sup> Wengi wameitwa, wachache wamechaguliwa. Naam, watu wengi wameitwa, unapata wito moyoni mwako, “Naam, naamini Mungu ananipenda. Naamini ananipenda.”

<sup>80</sup> Lakini, ndugu, hivi, utapotea kabisa kama wengine wao, kwa sababu watakuja huko siku hiyo, hata wakisema, “Bwana, nimetoa pepo katika Jina Lako. Nimefanya kila kitu kingine katika Jina Lako. Nimekuwa na ibada za kuponya. Nimehubiri Injili. Nimetoa pepo.”

<sup>81</sup> Naye Yesu atasema, “Ondokeni hapa, hata siwajui, wanafiki. Ni ye ye afanyaye mapenzi ya Baba Yangu!” Mbona watu hawawezi kuona jambo hilo? Naam, najua hilo linaudhi. Nami si—simaanishi kuwaudhi, simaanishi kuwa hivyo. Lakini, ndugu, mimi—mimi . . .

<sup>82</sup> Inaonekana kwangu kama kwamba sisi—sisi tuko katika wakati wa mwisho, na Mungu anawafanya wana wenyе mamlaka, akiaweka katika mahali pao Kanisani, katika Mwili wa Kristo, Wake. Sasa, hakutakuwa na watu wengi sana atakaowaweka mle, nitakwambia hilo kwanza. Vema, unasema, “Loo, vema, kutakuwa na kundi kubwa mno!” Lakini amekuwa na miaka elfu sita ya kuwavuta watoke, pia. Kumbukeni, ufufuo unakuja nasi tunanyakuliwa pamoja nao. Wachache wao tu, mnaona. Wewe utafute wokovu wako, upesi. Jichunguze mwenyewe uone nini kimeharibika. Unaona? Angalia tu—kuna shida gani. Najua hilo—hilo ni gumu, ila, ndugu, ni Kweli. Ni Kweli ya Mungu. Kufanya wana wenyе mamlaka!

<sup>83</sup> Inatupasa kuwa na juhudи sana kwa mambo ya Mungu, yatupasa tukaze mwendo usiku na mchana. Hakuna kinachopaswa kutuzuia, nasi inatupasa kuwa watu waliokolea na wa kupendeza sana, na wema sana na wanaofanana na Kristo sana katika maisha yetu. Inatakiwa maisha ya kila siku. Yesu alisema, “Yatafakarini maua ya mashamba, jinsi yakuavyo, kufanya kazi na kusokota; hata hivyo nawaaambia ya kwamba Sulemani katika fahari yake yote hakuvikwa kama moja yao.” Sulemani alikuwa na majoho yaliyokuwa yamepambwa na hariri ya fahari na mishono na kadhalika, bali hilo—hilo haliku— . . . hilo silo alilokuwa akizungumzia. Kusudi ua likue, halina budi

kufanya kazi mchana na usiku. Unataka kurudi hapa kwenye mwisho wa mstari kwa ajili gani? Kama mwenye haki ataokoka kwa shida, na yule mwenye dhambi (huyo ni yule asiyeamini) na asiyemcha Mungu watakuwa wapi, mtu anayelisikia Neno na kukataa kutembea katika Hilo? Sasa tutafanya nini? Mnaona? Sasa hiyo . . .

<sup>84</sup> Hili ni, sasa, hili ni kanisa letu. Tuna labda wageni wanne watano mionganoni mwetu. Bali hili ni kanisa, ninawafundisha. Haya yananaswa kwenye kanda. Nawataka watu wanaosikiliza kanda, wakumbuke, hili ni kwa ajili ya kanisa langu. Huko nje kwenye watu wa nje, mimi hujaribu kuwa muungwana vya kutosha kuwaambia jambo hilo, kujaribu kukaa ambapo ningeweza kuwabembeleza kwa mawazo yao madogo ya maziwa ya mtindi. Lakini inapofikia hasa kuifundisha Kweli kikamilifu, hebu na tuifundishe.

<sup>85</sup> Kufanya wana wenye mamlaka, kuwekwa mahali pao! Wako wapi? Nionyeshe walipo. Mungu akiwaita watoto Wake kando kwa kudhihirishwa. Haiwalazimu kusema neno moja juu yake, unaona jambo fulani limetokea. Akimweka mwanawewe mahali Pake, akimweka katika taratibu na mambo yale yale hasa. Yeye—yeye yuna mamlaka sawa, neno lake ni kama tu la Malaika Mkuu, bora zaidi. Mwana alifanywa mwana mwenye mamlaka, akawekwa mahali pa juu, akaketishwa pale, akabadilisha majoho yake, akabadilisha rangi yake. Babake akamfanyia sherehe, kasema, "Huyu ni mwanangu, tangu sasa yeye ndiye liwali. Yeye ndiye mtawala. Yeye ndiye mlinzi wa mali yangu yote. Yote niliyo nayo ni yake." Hiyo ni kweli. Ndipo tungerudi kwa yeye yule, Elah, Elah, Elohim, Elohim, mnaona, ambapo Yeye anakaa peke Yake. Kisha turudi kwa Yehova aliyeumba kitu, akampa mtu aitawale dunia. Tunangoja nini? Kule kudhihirishwa. Dunia inaugua. Hebu tulifikasi tukalisome. Vema.

...alitangulia kutuchagua...tufanywe wana kwa  
njia...sawasawa na uradhi wa mapenzi yake.

*Na usifi...usifiwe utukufu wa neema yake,...*

<sup>86</sup> Neema Yake ni nini? Kule nyuma hapo kabla, wakati Yeye hakuwa Baba; neema Yake, upendo Wake, alijifanya Mwenyewe mtoto, kusudi tutangulie kuchaguliwa kufanya wana wenye mamlaka, kwa utukufu wa neema Yake. Mnaona?

...ambayo ametuneemesha tukakubalika ka—katika  
huyo (Mtu) Mpandwa, ambaye ni Kristo.

<sup>87</sup> Alituneemesha vipi? Kwa nafsi Yake. Tunaingiaje ndani Yake? Kwa Roho mmoja, sote tumebatizwa katika Yeye. Sikilizeni.

*Katika yeye huyo, kwa (ile) damu yake, tunao  
ukombozi wetu, msamaha wa d-h-a-m-b-i...*

<sup>88</sup> Unawezaje kuhubiri kuchaguliwa tangu zamani, kwa Mungu kuamuru tangu zamani na kuweka, isipokuwa pawe na upatanisho wa dhambi mahali fulani? Mbona hivi? Kila siku wewe hufanya makosa, kila siku unafanya mabaya. Bali kama umezaliwa mara ya pili, mwanamume kwa mwanamake, mara unapofanya kosa, Mungu anajua unalisikitikia. Ungewenza kusimama mbele ya—ya Rais Roosevelt ama ye yote yule, na kusema, “Nimekosea, Mungu anisamehe kwa jambo hili.” Kwa nini? Na hapo ndipo upatanisho wa Damu . . .

<sup>89</sup> Angalia hilo “d-h-a-m-b-i.” Mwenye dhambi ni mwenye dhambi, ye ye hatendi dhambi. Bali kanisa hutenda dhambi, linakosea, linapatwa na wazo baya, dhana mbaya, hushikwa na wasiwasi, huyumbayumba kama mtoto mchanga anayetembea, akijaribu kujifunza namna ya kutembea. Hajui jinsi ya kutembea vizuri bado, maana ye ye ni mvulana mdogo. Bali tuna mkono unaoshuka ukaja chini kama sisi . . . unatashika na kutufanya dhabiti, na kusema, “Piga hatua hii namna *hii*, mwanangu.” Yeye hatuchukui na kutupiga kofi ati kwa sababu tulikosea, Yeye hatupigi nusura tufe ati kwa sababu tunajifunza kutembea. Yeye anatupenda kama tunavyowapenda watoto wetu.

<sup>90</sup> Baba wa kweli, kweli kabisa hatampiga mtoto wake anapojaribu kutembea, kama akianguka sakafuni. Huinama na mkono mkubwa wenye nguvu na kumwinua, anachukua mikono yote miwili na kumshika, kusema, “Hivi ndivyo unavyofanya jambo hilo, mwanangu. Tembea namna *hii*.”

<sup>91</sup> Hivyo ndivyo Mungu anavyolifanya Kanisa Lake! Huinama na kumshika kwa mkono Wake, anamwinua na kusema, “Tembea namna *hii*, mwanangu. Angalia huku, usi—usi—usiliseme namna hiyo, namna *Hii*. Sasa, sijali linavyosema kanisa, kile *huyu* asemacho, kile *yule* asemacho, wewe liseme kama *Hivi*. Namna *Hii*, hili Ndilo! Kama Neno Langu linalihubiri, wewe dumu nalo, enenda katika Hilo. Dumu nalo kabisa. Sijali analosema kila mtu, ling’ang’anie. Tembea namna *Hii*. Hivi ndivyo unavyopiga hatua zako.”

<sup>92</sup> Dhambi zetu; upendo wa upatanisho kwa ajili ya dhambi zetu, la sivyo hatungalipata nafasi. Jinsi ambavyo tungalitia nanga kwenye hayo Maneno!

. . . sawasawa na wingi wa neema yake.

*Naye ali—alituzidishia . . .*

<sup>93</sup> “Kuzidisha” ni nini? Loo, jamani! *Naye ametuzidishia*, “chungu nzima yake.”

. . . *alituzidishia hiyo katika hekima yote na ujuzi*;

<sup>94</sup> “Ujuzi, hekima yote ametuzidishia sisi.” Kwa “hekima” yote, si ya ulimwengu. Hekima ya ulimwengu ni upuuzi Kwake, na hekima ya Mungu ni upuuzi kwa ulimwengu. Ni kama tu mchana

na usiku, mmoja hauwezi kukubaliana na mwingine. Bali jua linapoanza kuchomoza na mchana unakuja, usiku unatawanyika kutoka mahali mahali. Na wakati Nuru ya Injili inapoanza kuingia, mambo yote ya ulimwengu yanaanza tu kutoweka. Na inafanya nini? Yeye huwazidishia Nuru ya jua watoto Wake, wakitembea katika Roho, wakiongozwa na Roho wa Mungu, wakizidishiwa neema Yake, kwa ujuzi wote na hekima, ufahamu, na ujasiri wa kujua jinsi ya kutembea. Ukioma ni kosa, basi tahadhari ufanyalo, jinsi unavyo-... Kama ni kosa, tahadhari hata jinsi utakavyoliendea. Ujuzi! Uwe karibu kabisa, uwe na hakika kabisa kwamba unajua namna ya kuliendea. Mwerevu kama nyoka, mpole kama hua. Hivyo ndivyo Yesu alivyosema.

<sup>95</sup> Loo, hivi ni vito vyta thamani, enyi marafiki! Tungeweza kuendelea siku baada ya siku. Si ni vyta ajabu? Ujuzi, hekima, Yeye ametuzidishia, akavimwaga! Si kutupa kijiko kimoja, bali alichukua sepetu kubwa ya kuchotea na akaanza kutupakulia namna hiyo. Alituzidishia sisi, hekima pamoja na ujuzi wa neema Yake! Loo, neema ya ajabu, jinsi ilivyo tamu ikisikika!

Sasa, *naye* ametuzidishia *hiyo katika hekima yote . . . ujuzi;*

*Akiisha kutujulisha siri ya mapenzi yake, . . .*

<sup>96</sup> Yeye anamzungumzia na nani? Madhehebu? Tafadhalini, ndugu zangu, msifikiri ninayadharau madhehebu yenu, sivyo. Ninajaribu kuwaambieni kilikuwa ni kitu kibaya tangu mwanzo. Yesu alisema, “Enendeni mkaihubiri Injili,” tukaondoka tukaenda tukaunda madhehebu. Hiyo ndiyo sababu hatuna kitu Hicho, tunatembea kwa hekima ya mwanadamu. Laiti Calvin angalifufuka!

<sup>97</sup> Mbona, nilisimama si muda mrefu uliopita karibu na kaburi la mtu mashuhuri, mtengenezaji maarufu. Nami nikawaza, jinsi alivyokuwa mtu mashuhuri! Alikuwa hivyo! Vema, ili-... Sita-... Ilikuwa ni John Wesley. Nami nikawaza, kama John Wesley angefufuka kutoka kwenye kaburi hili leo na kuona hali ya kanisa lake, yeye angetahayarika kwa ajili ya jina lake. John Wesley aliкуwa mcha Mungu, kinga kilichonyakuliwa, kama alivyokiita. John Wesley aliкуwa mtu mtakatifu aliyemwamini Mungu, na akamfuata hatua kwa hatua. Bali baada ya John kufa, wao walisema, “Tutaunda kanisa la John ili tupate kanisa, nasi tutaliita kanisa la Kimethodisti kwa sababu ya mtindo wake wa utakaso kwamba ndio kazi ya pili ya neema.”

<sup>98</sup> Ndipo wao wakaunda kanisa, na siku hizi hao wafuasi wa kanisa hilo wanakana kila alichoshindania John Wesley. John Wesley alihubiri kuponya Kiungu. John Wesley aliamini katika ubatizo wa Roho. John Wesley aliamini katika kurudishwa kote kwa vipawa. John Wesley, Martin Luther, wengi wa hao watu mashuhuri walineni katika lugha na wakafasiri. Na, leo, ungenena kwa lugha katika kanisa la Kimethodisti au kanisa

la Kiluteri, wangekufukuza nje. Kuna nini? Wakati ule ule tunaopaswa kuwa tukiwaweka wana mahali pao, kuna nini? Wao wameingiza kitu kingine, kwa kuwa hawajui siri ya Mungu. Nao hawataijua kamwe kupidia kwenye seminar!

<sup>99</sup> Hebu nisome tu kitu fulani hapa. Ni sawa? Sawa. Hebu na tufungue, nimeandika kitu fulani hapa. Hebu tuone jinsi Paulo . . . Sasa, hapa, huyu hapa mwalimu wa Ujumbe huu. Hebu twende kwenye Matendo 9:5, kwa muda kidogo tu. [Mahali patupu kwenye kanda—Mh.] Hebu nijue nitakapomala . . . ? . . .

*Lakini Sauli, akizidi kutisha na kuwaza . . . (Loo, maskini Myahudi huyo mwenye hasira, na mwenye hamaki na pua kama ndoana!) . . . akiwaua wanafunzi wa Bwana, akamwenda Kuhani Mkuu,*

*Akataka ampe barua za kwenda Dameski zilizoandikwa kwa sinagogi, ili akiona watu . . .*

<sup>100</sup> “Nitaenda nikawatafute! Kama nikiweza kuwapata, wee, kile nitakachowatende! Mnaona, kama nitaweza tu kuwapata!” Bali alikuwa amechaguliwa tangu zamani!

<sup>101</sup> Wajuaje kama maskini yule mwuza chang’aa hapa chini hakuchaguliwa tangu zamani kwa ajili ya Uzima? Wajuaje kama maskini kahaba huyo ambaye hata wewe hutaongea naye, wajuaje kama kupeana mkono naye kidogo na kumkaribisha kanisani hakutamfanya ye ye mtakatifu wa Mungu, kule Utukufuni? Wakati . . . Wajuaje sivyo alivyo? Hilo ndilo tusilojua. Lakini hilo ni jukumu letu. Kama mvuvi aliyetupa jarife baharini kisha akalivuta, aliwavua vyura, samaki, mijusi, buibui wa majini, na cho chote kile, lakini baadhi yao walikuwa samaki. Hakujua, ye ye alitupa tu jarife. Hilo ndilo tufanyalo. Mwangalie Paulo.

*. . . akitaka barua za kwenda Dameski zilizoandikwa kwa masinagogi, ili akiona watu wa Njia hii, waume kwa wake, awalete wamefungwa Yerusalem. (Ndugu, ye ye alikuwa mjeuri kweli!)*

*Hata alipokuwa akisafiri, ikawa anakaribia Dameski; ghafila ikamwangaza kila mahali . . .*

<sup>102</sup> Pakatokea kasisi anakuja barabarani, Daktari F. F. Jones, akamwambia, “Unahitaji u—ujuzi wa seminari sasa, mwanangu, na ninaamini Mungu angeweza kukutumia”? Si hilo lingekuwa Andiko la kuchukiza, kulisoma namna hiyo? Sasa, hilo lina maana tu kama . . . Sisemi hivyo kwa utani. Hilo ni, sisi, hilo lina maana tu sawasawa na vile tunavyolielewa jambo hilo leo. “Wajua, mama yako alikuwa mwanamke mzuri, naamini wewe ungekuwa mhubiri mzuri.” Tazama yaliyotukia.

*Hata—hata alipokuwa akisafiri, ikawa anakaribia Dameski; ghafila ikamwangaza kila mahali nuru (whiu, inaanza kwa ya kimbunguni) . . . nuru kutoka mbinguni.*

*Akaanguka chini, akasikia sauti ikimwambia...  
Sauli, Sauli, mbona waniudhi?*

*Akasema, U nani wewe, Bwana? Naye Bwana  
akamwambia, Mimi ndimi Yesu unayeniudhi wewe.  
Na ni vigumu kwako kuupiga mateke mchokoo.*

Naye akatetemeka na kushikwa na hofu, kisha akasema, Bwana, wataka nifanye...nini? Naye Bwana akamwambia, *Simama, uingie mjini, naue utaambiwa* yakupasayo kutenda.

<sup>103</sup> Nao hao watu wakasafiri pamoja naye, wakasonga mbele, kisha wakamkuta mtu fulani. Anania, kule chini, aliona ono. Yote ya kimbunguni! Naye maskini Sauli, huyo maskini jamaa mkorofsi! Huyu Anania aliona ono, akaangalia nyumbani mwake. Alikuwa nabii, katika nyumba yake akiomba, naye akaona ono. Yeye...Bwana akanena na kusema, “Kuna mtu anayeshuka akija barabarani kule, kipofu kama popo, na jina lake ni Sauli, yeze ni Sauli wa Tarso.”

<sup>104</sup> Akasema, “Bwana, nimesikia mambo makuu. Usinitume, mimi ni mtu mdogo. Usinitume nikamtafute.”

<sup>105</sup> Akasema, “Lakini, tazama, alipokuwa njiani anakuja, nilimwonyesha ono. Nilimtokea katika Nguzo ya Moto. Nilimpiga kwa upofu sana awezavyo kuwa. Nami ilinibidi kumpofusha na kumraruwa kabla sijaweza kumtumia. Unaona, ilinibidi kurarua theolojia yake yote. Unajua, alikuwa—alikuwa—alikuwa mtu mashuhuri katika moja ya makanisa hayo kule. Alikuwa na namna zote za digrui, haikumpasa kulainisha cho chote, bali,” Yeye akasema, “kilichonibidi kufanya ni kuondoa yote ndani yake.”

<sup>106</sup> Jambo lilikuwa hilo. Haikuwa kumwongezea mengine ndani yake, bali kuyatoa ndani yake. Nafikiri hiyo ndiyo shida ya makasisi wetu wengi leo; toeni ndani yenu, ambapo Mungu anaweza kuwatia Roho Mtakatifu ndani yao. Toa! Hapo, alisema yeze... .

<sup>107</sup> Naye akasema, “Bwana, lakini mtu hu—hu—huyu ni mbaya sana.”

<sup>108</sup> Akasema, “Lakini, tazama, yeze anaomba. Sasa utashuka upitie barabara fulani kisha ufile kwenye kisima fulani. Pita kisima hicho mkono wa kushoto, kisha uteremke. Kutakuweko na nyumba nyeupe, nenda ukapige hodi. Yeye amelala tu mle kwenye ukumbi, huko ndiko walikoweza kumfikisha. Mwekee mikono yako, mchukue umpeleke kwenye mto wa Dameski ukambatize katika Jina la Yesu. Maana, nakwambia nitakayofanya, yeze atateswa kwa mambo mengi kwa ajili Yangu, kwa kuwa yeze ni mjambe Wangu kwa Mataifa.” Amina!

<sup>109</sup> “Vema, sasa, ngoja kidogo, Bwana! Sasa, nimshauri akasome shule gani?” Nitawaambieni tutakalofanya, hebu tusome

Wagalatia tuone. Sura tu ili—iliyotangulia papo hapo nyuma. Hebu tufungue Wagalatia 1, na tuanzie aya ya 10, na hebu tuone Paulo alihudhuria shule gani, seminari gani, na ni mikono ya nani aliwekewa, na, loo, yote hayo yaliyotukia. Wagalatia sura ya 1. Kuokoa wakati, hebu tuanze kuhusu kuongoka kwake, aya ya 10.

*Maana, sasa je! ni wanadamu ninaowashawishi, au Mungu? au nataka kuwapendeza wanadamu? Kama ningekuwa hata sasa nikiwapendeza wanadamu, singekuwa mtumwa wa Kristo.*

<sup>110</sup> Loo, jamani, jamani, jamani! Hebu niseme jambo fulani dogo kabla ya hili hapa. Wagalatia 1, chukua sura ya 8. Wangapi wanajua Paulo ndiye aliwafanya watu hao wabatizwe tena katika Jina Lake Yesu, Matendo 19? Bila shaka alifanya hivyo. Hebu tuchukue tu hapa juu kidogo, sura ya—ya 8.

*...ijapokuwa sisi au malaika wa mbinguni atawahubiri ninyi injili yo yote isipokuwa hiyo tuliyowahubiri, na alaaniwe.*

<sup>111</sup> Mnalipata? Ungepata wapi Injili hii, Paulo? Aya ya 9.

*...tulivyotangulia kusema, na sasa nasema tena, mtu awaye yote akiwahubiri ninyi injili yo yote isipokuwa hiyo mliyosikia, tuliyowahubiri, na alaaniwe.*

<sup>112</sup> Kama yeye ni malaika mkuu, kama yeye ni askofu, kama yeye ni mwangalizi mkuu, kama yeye ni Daktari Fulani, hata awe nani, iwapo hahubiri ubatizo wa maji katika Jina la Yesu Kristo, ubatizo wa Roho Mtakatifu, hahubiri kurudishwa kwa karama, Kuja kwa Kristo, mambo haya yote, na alaaniwe! Kama akijaribu kuchukua moja ya hili Neno hapa na kusema lilikuwa kwa ajili ya siku nytingine na aliweke kule kwenye wazo motomoto tulilofunzwa kwenye seminari fulani, na alaaniwe!

<sup>113</sup> Hebu na tuendelee kusoma, tuone jinsi Paulo alivyolipata, mwone jinsi, ninayojaribu kuwaambieni asubuhi ya leo.

*Maana, sasa je! ni wanadamu ninaowashawishi, au Mungu? au nataka kuwapendeza wanadamu? Kama ningekuwa hata sasa nawapendeza wanadamu,basi mimi singekuwa mtumwa wa Kristo.*

<sup>114</sup> Nawezaje kutarajia cho chote, awezaje mtu anayempenda Mungu, na mhubiri, hasa, kutarajia kufanya lo lote ila kuchukiwa na wanadamu? Watu watakuchukia. Vema, wao walisema... Yesu alisema, “Kama wakiniita Mimi, Bwana wa nyumba... Mimi ndiye Bwana, aliye mkuu kuliko ninyi nyote. Mimi ndimi ninayeweza kufanya miujiza mingi zaidi na kufanya mengi kwa Roho Mtakatifu kuliko ninyi nyote, kwa maana nina utmilifu wote ndani Yangu. Na kama wameniita Mimi ‘Beelzebuli,’ na ninyi watawaita mara ngapi zaidi? Bali,” kasema, “msifikiri-fikiri mtakayokuwa mkisema, kwa kuwa si ninyi

mtakaokuwa mkinena, itakuwa ni Baba anayekaa ndani yenu, atakayekuwa akinena wakati huo. Dumuni tu na Neno.” Kisha Yeye, alipomaliza kuandika Kitabu, alisema, “Mtu ye yote atakayeendoza Neno moja kutoka katika Kitabu hiki au aongeze neno moja Kwake, huyo ataondolewa kwenye Kitabu cha Uzima, kwa ajili yake.” Mungu na atusaidie kudumu Nalo moja kwa moja!

<sup>115</sup> Sasa aya ifuatayo, hebu nisome sasa, nisome upesi sasa.

Lakini *nawajulisha*... Hiyo ni kusema, kuwatia hukumuni. *Ndugu zangu, injili hiyo niliyowahubiri, nawajulisha ya kuwa siyo ya namna ya kibinadamu*.

Naam, mimi si Mmethodisti, Mbatisti, Mpresbeteri, au Mpentekoste; wala haikutoka kwa mwanadamu. Wala...

*Kwa kuwa sikuipokea kwa mwanadamu wala sikufundishwa...*

<sup>116</sup> “Sikuipokea kwa mwanadamu, si seminari, si daktari, si uungu, si shule ya elimu. Sikuipokea hivyo, sikuifundisha hivyo, sikuipata hivyo, haikunijia hivyo.” Ilikujaje basi, ewe Paulo?

*... bali kwa ufunuo wa Yesu Kristo.*

<sup>117</sup> “Wakati Kristo alipojifunua Mwenyewe kwangu, ya kwamba Yeye alikuwa Mwana wa Mungu, wakati Nguzo hiyo ya Moto iliposhuka juu yangu siku hiyo, nilisema, ‘U nani Wewe, Bwana?’ Akasema, ‘Mimi Ndimi Yesu.’”

<sup>118</sup> Sasa, nitawaonyesha ya—yaliyompata. Sasa, hivi sasa kama jamaa ye yote amepata ujuzi, wangetaka kumpa miaka kumi akasome Kiyunani, na miaka kumi zaidi kujifunza kitu kingine, na kufikia wakati huo amekwisha. Tazama.

*... sikuipokea kwa mwanadamu wala sikufundishwa na mwanadamu, bali kwa ufunuo wa Yesu Kristo.*

*Maana mmesikia habari za mazungumzo yangu katika dini ya Wayahudi,...*

<sup>119</sup> “Nilikuwa daktari mashuhuri, nakwambia. Nilipata kitu halisi.” Alikuwa amefundishwa chini ya Gamalieli, mwaliimu bora kuliko wote waliokuwa nao nchini. Wangapi wanajua ya kuwa Gamalieli alikuwa mmoja wa waalimu bo—bora kuliko wote? Naam, bwana. “Dini yangu ya Kiyahudi, nakwambia, ilikuwa imetia fora; nilijua kabisa jinsi ya kukariri Imani ya Mitume na mambo hayo yote, mnaona. Nilijua namna ya kukariri maombi ya asubuhi na kuwabariki watu.” Mnaona?

*... kwamba wakati huo nililiudhi kanisa la Mungu kupita kiasi, nikaliharibu. Jinsi ambavyo nilijaribu kulikomesha kundi hilo la watakatifu wanaojifingirisha! Mnaona? Mnaona?*

*Nami naliendelea katika dini ya Wayahudi...*

<sup>120</sup> “Nilikuwa mtu mashuhuri. Nakwambia, kweli mimi... Niliendelea, niliwaonyesha ningeweza kuwaponda ponda, kwa kuwa nilimwua Stefano na mambo mengine kadha niliyotenda. Angalieni niliyotenda!” Jinsi ambavyo aliudhi kupita kiasi!

*Nami naliendelea katika dini ya Wayahudi kuliko wengi walio hirimu zangu katika kabilia yangu, nikajitahidi sana katika kuyashika mapokeo ya baba yao.*

<sup>121</sup> Sasa, kumbuka, si Neno la Mungu, “mapokeo ya baba yao,” mapokeo ya kanisa, kwa maneno mengine. “Nadhani nilikuwa Mmethodisti kwa hali na mali, nilikuwa Mbatisti kwa hali na mali, nilikuwa Mpentekoste kwa hali na mali.” Loo, kumbe wewe ndivyo ulivyo? Mimi nataka niwe Mungu kwa hali na mali. Ndiyo, naam. Mnaona? Vema.

*...mapokeo ya baba zangu.*

*Lakini ilipompendeza Mungu,...(loo, loo, Paulo, unasema hivi)...aliyenitenga tangu tumboni mwa mama yangu, ambaye hata alinileta humu ulimwenguni, akaniita kwa neema yake,*

*Alipoona vema kumfunua Mwanawe ndani yangu,...*

<sup>122</sup> Hivyo je? “Roho Mtakatifu ndani yangu! Ilimpendeza Mungu kunichukua, aliyenitenga tangu kwenye tumbo la uzazi, na akanipa Mwana, ambaye ni Roho Mtakatifu katika umbo la Roho, ndani yangu, kujifunua Mwenyewe kwangu.” Loo, jamani! Whiu! Ni—ni—ninaamini nataka kupaza sauti kidogo tu.

<sup>123</sup> Tazama, hebu nikwambie, ndugu. Ilipompendeza Mungu! Loo, haleluya! Ilipompendeza Mungu! Baba mlevi. Mama... Mungu akubariki, mama, sisemi neno dhidi yako. Bali mama ambaye hakumjua Mungu zaidi ya sungura anavyojua juu ya viatu vya theluji. Na baba ambaye alilala mitaani amelewa. Na bila hata viatu vya kwendea shulenii, na nywele ndefu zilizoning’inia shingoni mwangu, na kila mtu alinichukia kwa kuwa nilikuwa Mkentucky hapa Indiana. Na jinsi, loo, jinsi nilivyokuwa naonekana ni kitu kinachonuka. Bali ilimpendeza Mungu! Amina! Ilimpendeza Mungu, aliyenitenga tangu tumboni mwa mama yangu, apate kumfunua Mwanawe ndani yangu, kwa kunifanya mhudumu wa Neno, ambaye angedumu kikamilifu Nalo, ambaye angeonyesha maono ishara na maajabu na miujiza. Na, loo, jamani!

<sup>124</sup> Unaona alilokuwa akizungumzia? Ilimpendeza Mungu kufanya hivyo! Vipi? Sikilizeni kwa makini. “Kumfu-...” Chukueni aya ya 16 sasa.

*Alipoona vema kumfunua Mwanawe ndani yangu, ili niwahubiri Mataifa habari zake; mara sikufanya shauri na kanisa;*

<sup>125</sup> “Sikwenda kwa askofu ye yote na kumwuliza nipaswalo kufanya. Sikuwa endea watu wenye mwili na damu, madhehebu yo yote ama cho chote kile. Sikuwa na uhusiano wo wote nao. Sikufanya shauri na watu wenye mwili na damu. Wala sikwenda Yerusalem kwa hao makuhani wote watakatifu na baba watakatifu, na wote hao, na kusema, ‘Sasa, mwajua, nilipata ono, nifanyeje juu yake? Nilimwona Bwana Yesu mbarikiwa katika ono.’ Wao wangalisema, ‘Ondoka hapa, wewe! Nini... Ewe mtakatifu afingirikaye! Vema, umepatwa na nini?’ La, kwanza nilikuwa na digrii zao zote. Nilikuwa...”

<sup>126</sup> Kisha Paulo akasema hapa, naweza kuwaonyesha katika Maandiko, ya kwamba alisema ilimbidi kusahau yote aliyopata kusoma, na kuyahesabu kuwa ni bure, kusudi apate kumjua Kristo. Loo!

*Wala sikupanda kwenda Yerusalem kwa hao waliokuwa mitume kabla yangu; bali nalikwenda zangu Arabuni, kisha nikageuka nikarudi tena Dameski.*

*Kisha, baada ya miaka mitatu, nalipanda kwenda Yerusalem ili nionane na Petro, nikakaa kwake siku kumi na tano.*

<sup>127</sup> Na tukiendelea kusoma, tunaona ya kwamba yeye na mtume Petro hawakuwa wameonana maishani, hawakujuana, hawakuwa wameonana, lakini walipokutana walikuwa wakihubiri Injili ile ile. Mungu ana shule. Mnaona? Naam!

<sup>128</sup> Huyu hapa Petro, alisimama kwenye Siku ya Pentekoste, kasema, “Tubuni, kila mmoja wenu, mkabatizwe katika Jina Lake Yesu Kristo, mpate ondoleo la dhambi zenu, mtapokea kipawa cha Roho Mtakatifu.”

<sup>129</sup> Filipo alisema, “Loo, jinsi hili liliyvo la fahari! Sina budi kufanya jambo fulani pia. Huko chini...Nina mwito wa kushuka kwenda Samaria.” Akashuka akaenda kule na kuanza kushuhudia mitaani. Muda si muda, akatokea mgonjwa, akamwekelea mikono, naye akaanza kuruka na kurukaruka, kasema, “Mungu atukuzwe, tumewasili!” Akaanza kufanya m Kutano mkubwa. Akasema, “Nyote mnahitaji Roho Mtakatifu.” Akasema, “Liwapasalo kufanya, hamna budi kubatizwa katika Jina Lake Yesu.” Kwa hiyo akawachukua, kila mmoja wao, huko nje na kuwabatiza katika Jina Lake Yesu. Kasema, “Njoo, Petro, wawekee mikono sasa.” Nao wakampokea Roho Mtakatifu.

Petro, huko katika nyumba ya Kornelio, vile vile.

<sup>130</sup> Paulo hakuwa ameshamwona ama kusikia neno juu yake. Bali alipita pande za juu za pwani ya Efeso, naye akawaona wanafunzi fulani. Akakutana na mhubiri Mbatisti, ndivyo alivyokuwa, Apolo, mwanasheria aliyeongoka, mwerevu, mwenye akili nyingi, akichukua Agano la Kale na kuthibitisha kwalo ya kwamba Yesu alikuwa Mwana wa Mungu. Naam,

bwana, ye ye alikuwa mtu mwerevu. Nao walikuwa wakipiga kelele, walikuwa wakifanya shangwe. Ndivyo ilivyosema Biblia. Soma sura ya 18 na ya 19 ya Matendo uone kama hiyo si kweli. Walikuwa wakifanya shangwe, walikuwa wakicheza katika Roho, na wakikimbia huko na huko, mwajua. Paulo akasema, "Lakini mmepokea Roho Mtakatifu *tangu mlipoamini?*"

<sup>131</sup> Na kwenu ninyi ndugu wa Kibatisti mnaojaribu kusukumiza jambo hilo kooni mwa watu, na kusema Kiyunani asili kilisema, "Je! mlipokea Roho Mtakatifu *tangu, au wakati mlipoamini?*" Nawasai mniletee hicho Kiyunani! Mimi mwenyewe nina Kiyunani asili. Nina Kiaramia pia, na Kiebrania, pia. Kila kimoja kinasema, "Je! mmepokea Roho Mtakatifu *tangu mlipoamini?*"

<sup>132</sup> Kwa imani unaokolewa, hiyo ni imani yako katika Mungu. Ile Damu inawasafisha na dhambi, kwa sababu inatoa sadaka. Damu haiwaokoi, Damu huwaweka kuwa wasafi. Unasemaje umeokolewa? Kwa imani umeokolewa, na hiyo ni kwa kujua kwa Mungu *tangu zamani*, akikuita. Unaokolewa, nayo Damu inafanya upatanisho, ikikuweka msafi daima. Halafu kwa Roho mmoja unabatizwa katika Roho Mtakatifu, ukaingizwa katika ushirika wa waumini, na katika ushirika wa Roho Mtakatifu, ukongozwa na Roho, ukifanya ishara, maajabu.

<sup>133</sup> Ngojeni, tutayafikia, tunangojea kitu fulani, muda kidogo tu nasi tutakipata, natumaini tutakipata hata hivyo. Niliwaambia mniite wakati huu, sivyo? Imetokea tu kwamba niliangalia. Neno—neno moja tu au mawili zaidi. Ninii tu... Ni—ni kidogo tu zaidi.

<sup>134</sup> Wokovu huu unadumu muda gani, muda gani? Ni wokovu wa namna gani? Kutoka kanisa moja kuingia lingine? Kutoka... Hebu tufungue Waebrania 9:11, kwa muda kidogo tu, tu—tuone tu ni muda gani, kwa dakika chache tu. Fungueni Kitabu cha Waebrania na tuone—tuone wokovu huu utadumu muda gani. Tuone ni wokovu wa namna gani. Hebu tusome sasa Waebrania 9:11.

*Lakini Kristo akiwa kuhani aliye mkuu wa mambo mema yatakayokuwapo, kwa hema iliyo kubwa na kamilifu zaidi, isiyofanyika kwa mikono, maana yake,...(sasa, huyu ni mwalimu yule yule, Paulo, manaona)...si ya jengo...jengo hili,*

*Wala si kwa damu ya mbuzi na ndama, bali kwa damu yake mwenyewe aliingia mara moja (mara ngapi? Moja!) kwenye Patakatifu, akiisha kupata... (wokovu wa juma moja, wokovu wa kudumu mpaka ufufuo unaofuata? Ni wa namna gani?)...wokovu wa milele kwa ajili yetu.*

<sup>135</sup> Neno "Milele" lina maana gani? Katika Kristo, baada ya mimi kuamini...Hakuna mtu anayeweza kumwita Yesu,

“Kristo,” ila kwa Roho Mtakatifu. Kwa hiyo kuna tabaka tatu za watu: wasioamini, wanaojifanya waumini, na waumini. Bali hao ambao wameamini mpaka kupokea Uzima wa Milele, wameingia nyuani.

<sup>136</sup> Chukua ile maskani ya kale, jambo la kwanza walilofanya ilikuwa nini? Waliingga kwenye nyua, Mataifa. Iliyofuata ilikuwa ile madhababu ya shaba, mahali walipoiosha dhabihu kwenye birika la dhahabu. Lililofuata ilikuwa kuchinjwa kwa ile dhabihu, na kuinyunyiza damu kwenye madhababu. Kisha, mara moja kwa mwaka, Haruni akiisha tiwa mafuta (kwa nini?) kwa manukato ya Waridi la Uwandani, kwa mafuta ya thamani yaliyokuwa na manukato, waliyamwaga kichwani mwake, yakatiririka hata kwenye pindo za mavazi yake. Angalia jinsi mtu huyu alipaswa kuingia mle ndani nyuma ya hizo pazia, mara moja kwa mwaka, mbele yake amebeba damu kwa ajili ya Kiti cha Rehema. Naye katika mwaka mmoja akaingia na fimbo yake mle na kuisahau. Waliporudi kuichukua, tayari ilikuwa imechipuka na kuchanua. Fimbo ya kale ambayo labda alikuwa ameibebe miaka arobaini kule jangwani, akiweka katika Mahali pale Patakatif! Tazama, wakati wao walipoichukua ile damu ya agano, ile damu, ye ye alitiwa mafuta. Naye alikuwa na mavazi yaliyokuwa na njuga ndogo za kuliza, komamanga na njuga. Naye mtu huyo ilimbidi kutembea hivi kwamba kila aliposogezza mguu wake, na kusogea *hivi* na kupiga hatua, ziliimba “Mtakatifu, mtakatifu, mtakatifu, kwa Bwana. Mtakatifu, mtakatifu, mtakatifu, kwa Bwana. Mtakatifu, mtakatifu, mtakatifu, kwa Bwana.” Loo, jamani!

<sup>137</sup> Ninazugumzia nini? Lisikieni, enyi Maskani ya Branham! Mmekuwa na nafasi yenu. Mara mtu anapotiwa mafuta na Roho Mtakatifu, kufanywa mwana mwenye mamlaka katika jamaa ya Mungu, apate kuwekwa mahali pake na Baba, na kutumwa katika utumishi hapa nje, katika kusudi lake la maisha, au yale Mungu aliyomwitia, mwenendo wake sharti uwe “Mtakatifu, mtakatifu, mtakatifu, kwa Bwana. Mtakatifu, mtakatifu, mtakatifu!”

“Loo, unapaswa kugeuka upande *huu* na uwe . . .”

“Mtakatifu, mtakatifu, mtakatifu, kwa Bwana.”

“Loo, lazima uamini yote aliyosema mzee, *haya*.”

<sup>138</sup> “Mtakatifu, mtakatifu, mtakatifu, kwa Bwana.” Acha Neno Lake liwe la kwanza, hebu liwe kila kitu kilichopo, likolee, limekaa moyoni mwako! Mwenendo wako unapaswa kuwa katika Neno. “Mtakatifu, mtakatifu, mtakatifu, kwa Bwana.”

<sup>139</sup> “Loo, laiti ungalikuja huku! Nitakwambia tutakalofanya, tutaunda madhehebu, tukuweke kwenye madhehebu yetu, utakuwa mtu mashuhuri.”

<sup>140</sup> “Mtakatifu, mtakatifu, mtakatifu, kwa Bwana. Mtakatifu, mtakatifu, mtakatifu, kwa Bwana,” ukisonga mbele. Haileti tofauti yo yote yale mtu ye yote asemayo!

<sup>141</sup> “Agiza hizi kanda zirudishwe! Fanya *hivi*, fanya *hivi*, fanya *vile*, fanya *vile*, *vinginevyo*.

<sup>142</sup> “Mtakatifu, mtakatifu, mtakatifu, kwa Bwana.” Umeelekeza macho yako Kalvari, na hakuna kitu kitachokuzuia! Mwenendo wa maisha yako, unatembea katika Barabara Kuu ya Mfalme, umepakwa na Mafuta ya thamani, ukielekea kwenye Patakatifu pa patakatifu. Whiu! Amina. Vema.

<sup>143</sup> Paulo alisema hakulipata Hili kutoka kwa mwanadamu. Sasa ye ye anasemaje, tukirudi kwa Wagalatia, somo letu. “Akiisha kutujulisha siri ya mapenzi Yake.” Mapenzi Yake ni nini? “Akatujulisha siri za mapenzi Yake.” Ninyi ambao mnaandika, aya ya 9. Sasa nitaharakisha upesi sana nimalize hili, maana tunachelewa.

<sup>144</sup> Loo, kila Neno ni kama kwamba . . . ? . . . Loo, kila Neno ni kito cha thamani. Unaweza kulichukua na kuendelea tu kulifafanua kindani. Unaweza kuchimbua, naweza . . . Unaweza kuchukua Neno moja la hayo Maneno mle, ulipeleke hadi Mwanzo na ulifafanue kindani, ulipeleke katika Kutoka na ulifafanue tena, unaweza kulipeleka katika Mambo ya Walawi na kulifafanua tena, na, mnamo wakati utakapofikia Ufunuo, ni Yesu kwa kila kipengee! Amina. Unaweza kulifafanua kindani kiasi utakavyo, litakuwa Yesu utakapofikia—utakapofika katika Ufunuo. Kwa kuwa, Yeye alisema, “Mimi Ndimi Aliyekuwako, Aliyeko, na Atakayekuja. Mimi ndimi niliye Shina na Mzao wa Daudi, ile Nyota ya Asubuhi. Mimi ndimi Alfa na Omega.” Hiyo ni kusema, A na Z katika alfabeti za Kiyunani. “Mimi ni kutoka A hata Z. MIMI NIKO! Mimi ni Yote-katika-Yote.” Hiyo ni kweli. “Mimi ndimi niliyekuwa hai na niliyekuwa nimekuwa, na ni hai milele. Ninazo funguo za mauti na kuzimu.” Loo, jamani! Kila kito cha thamani unachochukua hapa na kuanza kukisugua, kitasugulika kikawa Yesu.

<sup>145</sup> Sasa, baadaye kidogo tu kisha tu—tu—tu—tutakoma. Naam. Tunangojea nini, basi? Mko hapa mkutanoni kwa sababu gani? Kusudi lake ni nini? Ulimwengu unaugua kwa sababu gani? Makombora ya atomiki yananing’inia kule kwa ajili gani, zile molekiu na atomi ni nini? Na, loo, haya yote ni ya nini?

<sup>146</sup> Fungueni, Warumi 8, kwa muda kidogo tu. Inangojea nini? Haya yote yanangojea nini? Ni saa ngapi? Warumi, sura ya 8, na hebu tuanze na kusoma kwenye, loo, ningesema ya nane . . . Hebu tuanze kwenye kumi na tis— . . . aya ya 19, na tu—tusome tu hapa panapoifanya, panapoifanya tamu sana. Hiyo ni kweli. Najua mnakoelekea hapo. Vema. Warumi, sura ya 8, na amini niko sahihi sasa. Naam, bwana. Sura ya 8, na hebu tuanzie hapa kwenye sura ya 18. Hebu tuanzie tu kwenye aya ya 14.

*Kwa kuwa wote wanoongozwa na Roho wa Mungu,  
hao ndio...wana wa Mungu.* Hiyo ni kweli.

*Kwa kuwa hamkupokea tena Roho ya utumwa iletayo  
hofu;...*

<sup>147</sup> “Loo, sijui kama naweza kushikilia. Oooo, laiti ningalishikilia sasa!” Usishikilie kitu! Si ati kama mimi nilishikilia, ni kama Yeye alishikilia. Mimi nimo ndani Yake sasa, mnaona.

<sup>148</sup> Vema, unasema, “Vema, kama nimo ndani Yake!” Sasa ninyi—ninyi Wapresbiteri husema, “A-ha, daima tuliamini jambo Hilo.” Lakini maisha yenu yanathibitisha kwamba hamumo, isipokuwa mtembee katika maisha kama yale aliyotembea, mnaamini Injili ile ile aliyohubiri.

<sup>149</sup> Mnasema, “A-ha,” Mbatisti aseme, “bila shaka, ninaamini katika usalama wa milele.” Halafu utoke nje hapa ukavute msokoto na kukimbia kwenda kwenye dansi, na wanawake wakate nywele zao, wapodoe nyuso zao na watende kama sijui-kitu-gani? Matunda yako yanaonyesha kwamba huamini Hilo.

Nisemapo, “Unaamini katika kuponya Kiungu?”

“Loo, Daktari Jones alisema kulikuwa *hivyo*, kwamba kulikuwa kwa zamani za kale.”

<sup>150</sup> Vema, ewe mnafiki! Una nini? Ewe maskini mtoto uliyedanganyika vibaya. Uko mbali sana na Injili mpaka inatia huzuni. Umeongozwa vibaya ukaelekezwa kwenye barabara fulani ya matope kuelekea jaa inayoungua. Huoni alivyosema hapa? Ya kwamba, kila roho inayokiri kwamba Yesu hajaja katika mwili sasa hivi, ni roho mbaya. Biblia ilisema Yesu Kristo ni yeye yule jana, leo, na hata milele. Alichosema wakati huo, ndivyo alivyo leo, daima atakuwa hivyo. Hebu sikilizeni tu.

*Kwa kuwa hamkupokea tena roho ya utumwa  
iletayo hofu; bali mlipokea roho ya kufanywa wa-...  
[Kusanyiko linasema “kufanywa wana” —Mh.]*

<sup>151</sup> Sasa, ukiisha kufanywa mwana mwenye mamlaka, vema, ukiisha kufanyika mwana mwenye mamlaka. Unawekwa mahali pako, ndipo unafahamu, baada ya kufanyika kwa sherehe na umewekwa katika ule Mwili vizuri. Wewe ni mwana, bila shaka, binti, unapozaliwa mara ya pili ndivyo ulivyo, huko ndiko kuzaliwa kwako. Bali sasa unawekwa mahali pako.

Hatujapokea roho iletayo hofu; bali tumempokea *Roho*, tumempokea *Roho wa kufanywa wana, ambayo kwa hiyo twalia, Aba, yaani, Baba.* Ambayo maana yake ni, “Mungu wangu.” Vema.

*Roho mwenyewe anashudia pamoja na roho zetu, ya  
kuwa tu-tu wana wa Mungu;*

<sup>152</sup> Inafanyikaje? Unasema, “Utukufu kwa Mungu! Haleluya! Hainisumbui, mimi ni mwana wa Mungu,” na unaondoka unaenda kutenda mambo unayotenda? Roho wa Mungu atatenda kazi za Mungu.

<sup>153</sup> Yesu alisema, “Yeye aniaminiye Mimi, kazi nizifanyazo Mimi ye ye naye atazifanya.” Mnaona? mnaona?

<sup>154</sup> Ka—ka—ka—kama mzabibu huu ukichipuka na kuzaa vishada vya mizabibu, na unaofuata unachipuka na kuzaa vishada vya mboga, kuna kasoro. Mnaona? Ni kanisa lililopandikizwa, ni mzabibu uliopandikizwa, ni mtu aliyepandikizwa. [Ndugu Branham anagonga mimbara mara ishirini—Ed.] Kama mtu ni wa madhehebu fulani, ni mshiriki wa madhehebu fulani na wanajiita Mkristo, na hana Roho Mtakatifu na hana Nguvu za Mungu na mambo haya yote . . .

<sup>155</sup> Sasa, ukiondoka uende nje hapa na kutenda kama kundi la hawa waliolewa, ati kwa sababu tu ulinena na lugha. Nimewaona pepo wakinena kwa lugha. Naam, bwana. Nimewaona wakicheza katika roho, na kupiga makelele na kutoa povu mdomoni, na cho chote kile, na yote hayo. Nimeona hayo. Mimi . . . kunena—mimi sineni juu ya jambo hilo. Nanena juu ya Roho wa Mungu.

*Roho mwenyewe hushuhudia pamoja na roho zetu, ya kuwa sisi . . . watoto wa Mungu;*

*Na kama basi ni watoto, basi, tu warithi; warithi wa Mungu, . . . warithio pamoja na Kristo; naam, . . . tukiteswa pamoja naye ili . . . tupate kutukuzwa pamoja naye.*

*Kwa maana nayahesabu mateso . . .*

<sup>156</sup> Hebu sikilizeni hili. Loo, kama hili si zuri!

*Kwa maana nayahesabu mateso ya wakati huu wa sasa si kitu kama utukufu ule utakaofunuliwa kwetu. Ndani yetu!*

*Kwa maana viumbe vyote pia vinatazamia kwa shauku nyangi . . .*

<sup>157</sup> Inaliita hapa, ina—inano dogo hapa, neno dogo hapa pambizoni, “vitu vyote” ni sahihi, katika Kijunani.

*. . . kutazamia kwa vitu vyote, vitu vyote vinatazamia kudhihirishwa kwa wana wa Mungu.*

<sup>158</sup> Kila kitu kinangoja nini? Vitu vyote vinangoja nini? Kudhihirishwa kwa wana wa Mungu. Vinalingojea Kanisa liingie mahali pake. Ni nani aliyekuwa mwana wa Mungu, wakati Adamu, milki yake ilikuwa wapi? Dunia, a—alikuwa na utawala duniani. Sivyo? Hakuwa Elah, Elah, Elohim wakati huo, alikuwa Yehova. Mnaona? Yaani, “Mimi ndimi Mungu, nami nimewafanya miungu wadogo chini Yangu. Nami nimewapa

milki. Na katika milki yao, milki iliyo chini ya mamlaka yao, ni dunia.” Mwanadamu alikuwa na milki juu ya dunia. Na vitu vyote vilivyoumbwa vinatazamia kudhihirishwa kwa wana wa Mungu.

Tunakutazamia kuja kwa ile siku kuu ya utawala wa miaka elfu,

Bwana wetu aliyebarikiwa atakapokuja na kumnyakua Bibi-Arusi Wake anayengoja;

Loo, dunia inaugua, inalia kwa ajili ya siku hiyo ya kufunguliwa kutamu,

Wakati Mwokozi wetu atarudi duniani tena.

<sup>159</sup> Sivyo? Kutazamia. Mungu akijaribu kuliweka kanisa Lake mahali pake, kujidhihirisha Mwenyewe, akimpata mmoja anayeweza kutenda kazi kwake namna hii, aseme, “Hiyo hapo Roho Yangu ikibubujika ipendavyo. Hiyo hapo. Hiyo, hiyo, na—naweza kufanya kazi.” Hapa, mlete mwininge hapa na mweke mahali pake, “Naweza kumweka mahali pake.” Kufanywa wana wenye mamlaka, kuwekwa mahali pako, kudhihirishwa, anamchukua toka hapa na kumfanyia sherehe, anamtembelea kwa Malaika, anamwambia jambo fulani. Sasa, kama ameambiwa kweli! Kama anajifanya tu jambo fulani, halitafanikiwa. Naam, naam, hilo-hilo halitafanikiwa, tumekuwa na mengi sana ya hayo. Lakini namaanisha—lakini namaanisha madhihirisho ya wana wa Mungu, wakati Mungu anajidhihirisha Mwenyewe na kumtuma nje. Kisha anakwenda huko, na asemayo ni Kweli. Afanyayo ni Kweli. Anayofanya, inamdhhihirisha Kristo. Unampimaje? Vile anavyodumu na Neno, moja kwa moja na Neno. Mnaona, hivyo ndivyo mnavyowajua watu wote, ni jinsi anavyodumu na Neno. “Kama hawasemi sawasawa na Neno, hamna Uzima ndani yao,” inasema Biblia. Mnaona? Waache waende.

<sup>160</sup> Sasa hebu tusome, ndipo i—itatubidi kukoma, kwa kuwa wakati wetu unakwisha. Vema, katika aya ya 10, au aya ya 9, hasa.

*Akiisha kutujulisha siri ya mapenzi yake, kutufanya wana, sawasawa na uradhi wake, aliokusudia katika yeye huyo;*

<sup>161</sup> Alikusudia haya Yeye Mwenyewe, kabla ya kuwekwa misingi ya ulimwengu. Wangapi wanafahamu jambo hilo? Mnaona?

*Yaani, kuleta madaraka ya wakati mkamilifu . . .*

<sup>162</sup> Loo, jamani, tumewasili tena! A-ha? Loo, hebu—hebu tulipite tu, mnaona.

*. . . madaraka ya wakati mkamilifu . . .*

<sup>163</sup> Je! unaaamini katika nyakati? Biblia ilisema hivyo, “Kuleta madaraka ya wakati mkamilifu.” Utimilifu wa wakati ni nini?

Kumekuwako na wakati wa, vema, kulikuwa na wakati wa Torati ya Musa. Kulikuwa na wakati wa—wa—wa Yohana Mbatizaji. Kulikuwa na wakati wa Kristo. Kulikuwa na wakati wa madhehebu ya kanisa. Kulikuwa na wakati wa kumwagwa kwa Roho Mtakatifu. Sasa ni wakati wa kufanywa wana wenye mamlaka, kile ulimwengu unachotazamia, ukiugua. “Na hapo wakati mkamilifu ujapo, hapo wakati wa utimilifu wa wakati.” Utimilifu wa wakati ni nini? Wakati waliokufa watakapofufuka, wakati magonjwa yamekwisha, wakati—wakati dunia yote itakapoacha kuugua. “Utimilifu wa wakati mkamilifu.” Angalia jambo hili.

*Ambapo kuleta madaraka ya wakati mkamilifu  
atavijumlisha vitu vyote katika Kristo, . . .*

<sup>164</sup> Hivi hamna furaha? Atafanya hivyo jinsi gani? Atavijumlisha vitu vyote katika nani? [Kusanyiko linasema, “Kristo.”—Mh.] Unaingiaje katika Kristo? [“Kwa Roho mmoja.”] Kwa Roho mmoja sote tumebatizwa kuwa [“Mwili mmoja”] Mwili mmoja. Na Mwili huo ni Mwili wa Nani? [“Wa Kristo.”] Umehukumiwa tayari. [“Amina.”] Yeye alichukua hukumu yetu. Basi sisi ni nini? “Nitakapoiona ile [“Damu.”] Damu, nitapita juu yenu.” Kila anapouangalia ule Mwili, huo hapo umekaa pale, umejaa damu. Nimo mle jinsi gani? Kwa Roho Mtakatifu. Hupita juu. Loo, jamani!

*Na wakati wa utimilifu wa wakati mkamilifu, apate  
kuvijumlisha . . . vitu vyote katika Kristo, vitu vy  
mbinguni . . .*

<sup>165</sup> Sasa kama unataka kuzungumzia juu ya jina, tutaanza nalo sasa hivi kwa muda kidogo. Jamaa yote ya Mbinguni inaitwa nani? [Kusanyiko linasema “Yesu Kristo.”—Mh.] Jamaa yote ya duniani inaitwa nani? [“Yesu Kristo.”]

<sup>166</sup> Kuna wanawake wazuri hapa, wazuri, matajiri, bibi halisi, mabibi. Kuna Bibi Branham mmoja, Bibi William Branham, ye ye ni mke wangu. Ndiye anayeenda nyumbani pamoja nami. Mnaona, wengine wenu mnaenda na waume zenu.

<sup>167</sup> Kuna Kanisa moja kuu na lililo hai la Mungu aliye hai, Hilo linaitwa kwa Jina Lake, limejazwa na Roho Wake. Hiyo ni kweli. Sisemi . . .

<sup>168</sup> Silaumu kazi nzuri, siyalaumu mahospitali yao na mambo mazuri wafanyayo. Nafikiri hilo ni jambo zuri sana, na ni baraka za Mungu kwa binadamu walio maskini na wanaoteseka. Siyahukumu mambo haya mengine yote wanayofanya. Sawa, hayo ni sawa kabisa. Na madhehebu yao makubwa na mamilioni ya dola, bila shaka afadhali nione hayo badala ya vilabu vy a pombe pembeni, wakati wo wote. Kweli nawaheshimu kama wahudumu wakisimama mimbarani.

<sup>169</sup> Lakini inapofikia kule kukusanyika pamoja mwishoni mwa wakati, itakuwa ni kutazamia kule kudhihirishwa kwa wana wa

Mungu, katika wakati huo . . . apate kuwakusanya wote pamoja, wote walioletwa wakaingizwa katika Kristo. Kristo ni nini? Ni wangapi . . . Tunaingaje ndani Yake? I Wakorintho 12, “Kwa Roho mmoja sote tumebatizwa kuwa Mwili mmoja, ambao ni Mwili wa Kristo, na kufanywa washiriki wa kila kipawa na kila kitu chema alicho nacho.” Sivyo? “Na dunia yote inaugua, inalia, ikitazamia kule kudhihirishwa ambapo Kristo na Kanisa Lake wataungana pamoja.

*Yaani . . . kuleta madaraka ya wakati mkamilifu . . . vijumlisha . . . vyote katika Kristo, vitu vya mbinguni na vitu vya dunia pia. Naam, katika yeye huyo; na hata katika yeye: . . . dunia; na hata katika yeye:*

*Na ndani yake . . . tumepata urithi, . . .*

<sup>170</sup> Loo, Ndugu Neville, nisamehe kwa kuchukua wakati huu. Mimi . . . neno hilo “urithi.” Loo-loo-loo-loo! Loo, haina budi kuwa hivyo! Loo-loo-loo-loo! Najua Yeye . . . Ni Ndugu aliye wa karibu. Mimi si- . . . Natumaini mimi sina kichaa. Mi-mi-mimi tu . . . Sifikiri nina kichaa. Lakini, loo, jamani! Kitu gani? “Urithi.” Tumepata urithi. Mtu fulani hana budi kukuachia kitu fulani. Mungu, kabla ya kuwekwa misingi ya ulimwengu, alikuachia kitu fulani. Jina lilioandikwa katika Kitabu, ili kwamba Mwana-Kondoo akichinjwa utatambulikana pamoja Naye. Loo! Hebu tuliache hilo kwa ajili ya usiku huu. Hebu tuendelee kusoma tu kidogo. Jamani, jamani! Tutawezaje kufikia aya ya 3 usiku huu, ama sura ya 3? Hatujasoma aya nne ama tano za hii. Sasa tunakaribia kufunga, hata hivyo, itanibidi kuisoma tu na kuiacha.

*Na ndani yake sisi nasi tumepata urithi, huku . . .*

<sup>171</sup> Ati nini? Tunapataje urithi huu hapa? Tuliupataje? Kwa kuwa tulitembea imara? Tunaupataje urithi huu? Kwa kuwa tulichaguliwa tangu zamani. Amina. Whiu! Ndugu zangu wa Kiarmenia, najua jambo hilo ni gumu sana. Sikusudii kuudhi, lakini inanifanya nijisikie vizuri sana kujua ya kwamba ina- . . . U-u-unao, unao, ndugu, vema. Ni kwamba tu huuoni. Unao hata hivyo. Unaona? Huna neno, unaona, huna neno. Unaona? Lakini, loo! bali huo ni mzuri sana ukiutazama. Naam. Ni kama tu vile Ndugu Neville alivyosema wakati ule juu ya njia yenye nguzo na matao juu yake, “Jitwalie ngazi yenye vipandio uende kule ujionee kilichoko.” Naam, bwana. Hivyo ndivyo Hii ilivyo. Roho Mtakatifu wa Mungu ndiye ngazi yetu yenye vipandio kutuambia tulicho nacho. Mnaona?

<sup>172</sup> Mnaona, urithi. Loo, jamani! “Ukiwa . . .” Ni urithi wa namna gani?

*. . . huku tukichaguliwa tangu awali sawasawa na kusudi lake yeye, ambaye hufanya mambo yote kwa shauri la mapenzi yake.*

<sup>173</sup> Wakati Yeye alikuwa...kabla Yeye hajawa Baba, kabla hajawa Mungu, kabla hajawa Mwokozi, kabla hajawa Mponya, kabla ya mambo haya yote, yeye alitangulia kuchagua, akaliandika Jina la Mwana-Kondoo katika Kitabu, akaangalia chini kwa kujua Kwake tangu awali na kuliona jina lako, akaliandika mle pia. Ni kitu gani? Na baada ya kitambo kidogo tukaja ulimwenguni, tumezaliwa na wazazi wenye dhambi; tunatembea kila mahali ulimwenguni, mwajua. Muda si muda, kama maskini yule Myahudi mwenye pua kama ndoana, Paulo, mwajua, na-naye alikuwa akitekeleza, na, muda si muda, Kitu fulani kikasema, “Basi, basi, basi, basi, basi!”

Unasema, “Loo, Aba, Baba!”

<sup>174</sup> Na hapa sisi tunaanza kuja, mnaona. Akatuchagua tangu zamani kwa ajili ya urithi wetu katika Yeye, uliochaguliwa tangu zamani kwa ajili yetu. Mnaona, tuluirithi kabla ya kuwekwa misingi ya ulimwengu. Mnaona? Loo! Kwa ajili ya kusudi Lake Mwenyewe kutekeleza mapenzi Yake mema, hiyo ni kweli kabisa, kuwa Mungu na Mwokozi.

*Nanyi pia mmekwisha kumwamini huyo baada ya kulisikia neno la kweli, . . .*

<sup>175</sup> Basi ni Nani aliye Kweli? Yesu ndiye Kweli, Kweli ya Injili. Injili gani? Kuna Injili moja tu. Galatia 1, ilisema, “Hata Malaika akihubiri Injili nydingine yo yote, na alaaniwe.” Hii ndiyo Injili, Injili ya wokovu wenu; si nydingine, hakuna nydingine. “Hakuna—hakuna jina lingine walilopewa chini ya Mbingu ambalo kwalo wapaswa kuokolewa.” Bali katika Jina la nani? [Kusanyiko linasema, “Bwana Yesu Kristo”—Mh.] Loo, mie!

. . . katika huyo. . . Tena mmekwisha kumwamini yeye, na kutiwa muhuri. . .

<sup>176</sup> Loo, “Mkiisha kuamini!” Tunawezaje kuruka hilo, ndugu? Hebu tuliache tu kwa ajili ya usiku wa leo, mnasemaje? Loo, jamani! Si-siwezi tu kwenda te—tena mbele zaidi ya hapo. Hebu tuliache kwa ajili ya usiku wa leo. Siwezi tu kuliacha neno hilo, “kutiwa muhuri,” jinsi unavyoingia mle, mnaona.

<sup>177</sup> Kurithi kwa kuchaguliwa tangu zamani. Mimi nilirithi kitu fulani. Urithi gani? Ilipaswa kuwepo na mtu fulani aniacchie urithi. Mbona, unasema, “Yesu alikuachia urithi.” Ati nini? Yesu hakuniachia urithi, Yesu hakukuachia urithi; Yeye alishuka tu akaja akalipia urithi wako, akakuleta kwenye urithi wako. Bali jina lako liliwekwa kwenye Kitabu cha Uzima cha Mwana-Kondoo kabla ya kuwekwa misingi ya ulimwengu. Mungu ndiye aliyekupa urithi wako. Urithi wako ndio uliokuja kwanza. Yesu alikuja tu. . . Wengi, hivi ndivyo wanavyojaribu kulifanya, “Mungu alisema, ‘Vema, kuna watu wengi sana waliopotea. Hakuna hata mmoja wao atakayeokolewa, kwa hiyo nitamtuma Yesu na huenda ikawa Yeye. . . mtu fulani atamsikitikia, na ajue yale niliyofanya naye ataokolewa.’” Loo, rehema! Nisingeweza

kuendesha kazi yangu namna hiyo, hata ingawa naiendesha vibaya jinsi gani wakati mwингine. Mnaona? Ni—nisingefanya jambo hilo hivyo. Na Mungu je?

<sup>178</sup> Mungu, kwa kujua Kwake tangu zamani, aliona kabisa ni nani angeokolewa na ni nani asingeokolewa, akamtuma Yesu kuwaokoa wale ambaao tayari amewachagua. Je! Paulo hakusema, aya tano zilizotangulia hii, ya kwamba “Yeye alituchagua katika Yeye kabla ulimwengu hata haujakuweko”? Huo ndio urithi wetu. Mungu alituchagua, kisha akamwacha Yesu aje alipe ile deni. Hiyo ni nini? Kumwaga Kwake kwa Damu Yake, kusudi tusihesabiwe dhambi. Hufanyi lo lote. Lakini iwapo wewe...

<sup>179</sup> “Yeye atendaye dhambi kusudi baada ya kuupokea ujuzi wa ile Kweli, haibaki tena dhabihu.”

<sup>180</sup> Naam, basi hapo ndipo utakapoinuka tena, useme, “Na hilo je, Ndugu Branham?”

<sup>181</sup> Lakini kumbukeni tu, mnaona, “waliupokea *ujuzi* wa ile Kweli.” Wao hawakuipokea ile Kweli, waliupokea tu *ujuzi* Wake. Mnaona? Haiwezekani kwa wale waliokwisha kupewa nuru na kufanywa washirika wa Roho Mtakatifu, wakazionja nguvu za Neno zuri. Kama hao waumini wakwamia mpakani kule nyuma. Watu wengi sana waliniandikia barua juu ya jambo hilo.

<sup>182</sup> Hao waumini wakwamia mpakani walienda moja kwa moja wakafika pale, Yoshua na Kalebu walivuka moja kwa moja kule. Kwa nini? Sasa tutaiita hiyo Roho Mtakatifu, ile nchi kule. Hawa hapa wanarudi huku. Iko hapa juu, tuseme *hii* ni Roho Mtakatifu, nao wako nyuma *huku*, mnaona. Pale ndipo penye ile ahadi, iko *pale*. “‘Vema, kama wangewatuma wapelelezi kumi, mmoja kutoka katika kila kabilo, kusudi sisi makabila yote tuweze kujua urithi wetu ni nini, mahali ambapo wote watapewa sehemu yao, mahali tutakapowekwa.’ Kwa hiyo nitawatuma wapelelezi wachache.”

<sup>183</sup> Hao wote walifika kule, “Loo, jamani! La. Tutaitwa watakatifu wafingirikao, tangu wakati huo na kuendelea. La, a-ha, tusingeweza kufanya hivyo.” Mnaona?

<sup>184</sup> Yoshua na Kalebu wakasema, “Nitaona ilivyo.” Kwa hiyo wakaja huku na kuziangalia. Jamani, waliinyosha mikono yao kule juu wakakata kishada kikubwa cha zabibu zao nao wakashuka wakarudi. Kasema, “Jamani, ni nzuri, ni nzuri kabisa! Haya, hebu onja baadhi yake, ni tamu kweli.”

<sup>185</sup> “Loo, hizo ni nzuri, lakini, loo, hebu waangalie hao majitu... Loo, tusingeweza kufanya jambo hilo. Kuyastahimili hayo madhehebu makubwa yote, vitu hivyo vyote vikubwa? Loo, ni vibaya sana, hatuwezi kufanya hivyo. La, bwana! Haidhuru ni nani, hatutafanya namna hiyo. La, bwana.” Nao wakaanza kusema, “Loo, hebu turudie sufuria zile za nyama za Misri. Afadhali hata tungalikaa huko. Hatuwezi kufanya jambo hilo,

barabara hii ni laini sana. Tunajua hatuwezi kufanya *hivi*, hatuwezi kufanya *vile*.”

<sup>186</sup> Mzee Kalebu akasema, “Tulieni, ninyi nyote!” Yoshua akasema, “Nyamazeni, kila mmoja wenu! Hebu niseme jambo fulani.”

<sup>187</sup> “Loo, ole, ole, ole wetu, hatuwezi kufanya hivyo! Loo, tusingeweza. Vema, kama ilinibidi kuacha karamu yangu ya kandi, Ndugu Branham! Kama itanibidi kuacha nywele zangu zikue kama za mwanamke mzee, hata sijui la kufanya. Kama itanibidi kutoa kaptura zangu, ni—ni—ni, jamani, nisingeweza kabisa, wajua. Na kama ningaliacha misokoto yangu, kama ilinilazimu kufanya hivyo!” Ewe maskini mfano uliotolewa. Naam. “Siwezi kufanya hilo kabisa.”

<sup>188</sup> Yoshua akasema, “Loo, ni nzuri. Haleluya! Tunaweza kuitwaa.” Ilikuwa nini? Walikuwa wakiangalia hiyo miji mikubwa iliyokuwa imezungushiwa kuta. Naye Yoshua na Kalebu walikuwa wakiangalia ahadi aliyotoa Mungu. Dumu na Neno, haidhuru wewe u nani. Dumu na Neno!

<sup>189</sup> Kwa maana Petro alisema, “Tubuni, kila mmoja wenu, na mkabatizwe katika Jina Lake Yesu Kristo mpate ondoleo la dhambi zenu, kwa maana ahadi hii ni kwa ajili yenu,” (Nchi gani ya ahadi?) “na kwa watoto wenu, na kwa hao walio mbali, na wote watakaoitwa na Bwana Mungu wetu wamjie.”

<sup>190</sup> Usiache jambo hili likuumize, tukifunga, tafadhali usiudhike. Mnaona? Hapo ninyi Pilgrim Holiness na Wanazarayo, mliingia moja kwa moja katika utakaso, mkapanda mpaka mahali ambapo hata mngeweza kuziona zile zabibu, kisha mkageuka mkarudi. Mnaona kilichotukia? Hiyo ndiyo shida, hamkwenda hata mkaingia nchini. Nionyeshe Mnazarayo mmoja ama Mpilgrim Holiness, ama ye yote wao aliye nchini leo, anayeendesha mikutano mikubwa ya kuponya huku zikifanyika ishara na maajabu. Nionyeshe mmoja. Mmetulia Misri, mkazirudia sufuria za vitunguu saumu. Mmekomea Kardeshi iliyo Barnea. Hiyo ni kweli.

<sup>191</sup> Tazama, na hebu niwape fungu lenu, katika Waembrania sura ya 6. “Kwa maana haiwezekani kwa hao waliokwisha kupewa nuru,” mlijua vizuri zaidi. Kama hamjui, mnalijua sasa. Mnaona? “Na kufanywa washirika, na kuvionja vipawa vya Mbinguni.”

<sup>192</sup> Kuonja, mnaona. Watu huenda kanisani, wakakaa vivi hivi na kusema, “Wajua, hao, wanaweza wawe sahihi. Hiyo—hiyo—hiyo inaweza kuwa ni kweli. Inaweza kuwa, sawasawa, bali nakwambia, ewe kijana, inahitajika imani kubwa sana kufanya jambo hilo.”

<sup>193</sup> “Wakaonja vipawa vya Mbinguni, na wameihesabu ile Damu ya agano kuwa ni ‘kitu ovyo,’ ambayo mlitakaswa kwayo.”

<sup>194</sup> Kama vile mhubiri, mamaye anamtuma. Yeye anasema, "Nimepata wito kuwa mtumishi wa Bwana."

<sup>195</sup> "Sawa. Jambo la kwanza linipasalo kufanya ni kuwa dobi, mpenzi, nami nitakupeleka shule fulani." Jambo baya sana alilopata kufanya. Hiyo ni kweli. Watatoa yote ndani yake ambayo Mungu anajaribu kutia ndani yake. Basi sasa tazama.

<sup>196</sup> "Kwa maana kama tukifanya dhambi kusudi, tufanye dhambi kusudi baada ya kuupokea ujuzi wa ile Kweli, ujuzi. Tuuone katika Maandiko na kujua kwamba Biblia inasema ya kwamba ni yeye yule jana, leo, na hata milele. Kuona jambo Hilo, ni ujuzi wa ile Kweli. Tukiuna, tugeuke, na kuihesabu ile Damu ya agano . . ."

<sup>197</sup> Mtu fulani aseme, "Loo, naam, namwamini Mu—Mungu." Vema, wewe unapiga hatua ya kwanza.

<sup>198</sup> "Bila shaka, ninaamini katika utakaso." Vema, wewe uko mpakani, papa hapa tayari kumpokea Roho Mtakatifu. Bali unaangalia kule na kusema, "Si—si—sijui kitu juu ya jambo hilo. Kama itanibidi kutenda kama . . . La. Sijui. Unajua jinsi wanavyowaita hao watu? A-ha, sijui kama ningeweza kufanya jambo hilo au la. La, naamini nitaenda tu na kujiunga . . . ? . . ." Mnaona? Mnaona?

<sup>199</sup> Na unajua nini kinachotukia? Yeye alisema, "Haiwezekani kwao kuingia kamwe." Wamefanya dhambi hata siku yao ya neema ikaisha. Biblia ilisema hivyo. Najua hilo ni kali, bali Biblia ilisema, "Wameonja vipawa vy'a Mbiringuni, na kuihesabu Damu ya agano ambayo kwayo . . ."

<sup>200</sup> Wao wanasema, "Naamini katika utakaso, maisha mazuri, yaliyo masafi na matakatifu."

<sup>201</sup> Bila shaka, lakini wewe, ulipouona ubatizo wa Roho Mtakatifu, na ubatizo na mambo haya mengine yote katika Biblia, basi umefanya nini? Umeihesbu Damu ya agano ambayo kwayo ultakaswa, "kitu ovyo." Ni nini ulimwenguni kilichokupandisha kule, ewe mtu? Ni kitu gani . . . ? . . . Ni kitu gani kilikuzua usiwe mwénye dhambi mbaya sana? Ni kitu gani kilichoondoa dhambi maishani mwako, na kuvuta sigara na kunywa pombe, na wanawake na kadhalika maishani mwako, mambo ambayo hayangepaswa kuwepo? Ni kitu gani kilichosababisha hayo? Ile Damu ya agano! Ndipo ukakaribia sana kuonja zabibu katika nchi ile nyingine, na ukaiionea Injili haya, unayaogopa madhehebu yako! Mungu akurehemu! Naam, Bwana. "Wakaihesabu Damu ya agano kama 'kitu ovyo,' na kuifanyia jeuri kazi ya neema. Haiwezekani kwake kuingia kamwe katika ile Nchi."

<sup>202</sup> Nini kilitukia? Nawaulizeni. Sasa, mimi ni mtu wa mifano, na mtu ye yote anayejua Biblia ni mtu wa mifano. Je, kuna mmoja kati ya watu hao aliywahi kuingia katika nchi ya ahadi? Hakuna hata mmoja wao. Ni nani walifaulu, ni akina

nani walienda kule? Wale waliotangulia kwenda, wakarudi na kusema, "Tunaweza kuitwaa, tunaweza kumpokea Roho Mtakatifu kwa maana Mungu alisema hivyo! Petro alisema kwenye Siku ya Pentekoste, kama mimi 'ningetubu na kubatizwa katika Jina Lake Yesu Kristo,' ningempokea Roho Mtakatifu, ahadi hiyo ni kwa ajili yangu. Niko tayari kufanya hivyo. Yangu, ahadi hiyo ni yangu." Mnalipata? Sasa ahadi hii ni yangu. Ninaipokea, ni yangu. Hakika ni yangu." Walikuwa hao peke yao.

<sup>203</sup> "Loo," unasema, "lakini, Ndugu Branham, katika ufufuo!" Wao hawatakuwapo. "Loo, ati hawatakuwako?" La, bwana. Yesu alisema.

<sup>204</sup> Wao walisema, "Nawe unajifanya mkubwa kama Musa, Nawe ulisema ulikuwa hivyo, ati 'nilimwona Ibrahimu.'" Tena akasema, "Na—na—na—Ibrahimu amekufa kitambo! Mbona, Wewe hu—hujapita bado miaka hamsini, Nawe ulisema ulimwona Ibrahimu?"

<sup>205</sup> Akasema, "Ibrahimu asijakuwako, MIMI NIKO." Loo, jamani! Yule "MIMI NIKO," aliyeko daima, Mungu wa Milele. Si jana, si kesho, "MIMI NIKO." Mnaona? Mungu aliyeko daima, yule Elohim, "MIMI NIKO." Ndipo wakaokota... walikuwa wakitaka kumwua wakati huo.

<sup>206</sup> Akasema, "Vema, baba zetu walikula mana jangwani kwa miaka arobaini. Mungu alimwaga mikate moja kwa moja toka Mbinguni akawalisha. Wao walienda kanisani na walikuwa wafuasi wazuri wa kanisa kwa miaka arobaini. Mama yangu mzee alikuifa akiwa katika kanisa hili," na kila kitu namna hiyo. "Baba zangu walikula mana jangwani kwa miaka arobaini."

<sup>207</sup> Naye Yesu alisema, "Na kila mmoja wao amekufa." *Kufa maaana yake ni "kule kutengwa Milele."* "Kila mmoja wao amekufa. Bali nawaambia, ya kwamba Mimi ndimi Chakula cha Uzima kishukacho kutoka Mbinguni kwa Mungu. Mtu akilaye Chakula hiki cha Roho, yuna Uzima wa Milele na hawesi kupotea. Nami nitamfufua katika siku ya mwisho." Loo, ndugu, je, Yeye si ni wa ajabu?

Yeye si ni wa ajabu, wa ajabu, wa ajabu?

Yesu Bwana wetu si ni wa ajabu?

Macho yameona, masikio yamesikia, yale yaliyoandikwa katika Neno la Mungu;

Yesu Bwana wetu si ni wa ajabu?

<sup>208</sup> Sivyo? Tunaona Roho Wake wa upambanuzi akipitia kati yetu. Tunamwona akifanya miujiza na ishara na maajabu. Tunalisikia limeandikwa moja kwa moja kwenye Neno hapa, na kuliona likihakikishwa moja kwa moja pale. Loo, jamani!

Macho yameona, maskio yamesikia, yale  
yaliyoandikwa katika Neno la Mungu;  
Yesu Bwana wetu si ni wa ajabu?

<sup>209</sup> Katika dakika nyine mbili, au tatu, kutafanyika ubatizo wa maji hapa. Na sasa wale watakaobatizwa, hebu wanawake waende upande *huu*, nao wanaume upande *huu*. Na sasa wanaume kwenye mkono wangu wa kushoto, upande *huu*. Nao wanawake upande *huu*. Kutakuwa na dada huko wakiwa tayari na nguo. Na kama mwanamume ye yote au mwanamke ye yote hapa asubuhi ya leo, ambaye ameshawishika kwamba unaamini Neno la Mungu, nawe unaamini kwamba Mungu hutimiza ahadi Yake, ya kwamba kama mtu atatubu kabisa dhambi zake zote! Sasa, Damu hajafanya kitu bado. La, ni imani yako tu katika Mungu. Naye Mungu anaita, anakuita tu. [Ndugu Branham anapulizia kwenye maikrofoni, “whoosh, whoosh, whoosh.”—Mh.] Akikuita. Huyo ndiye anayefanya hivyo sasa. [“Whoosh,” “whoosh.”] “Sijabatizwa bado.” [“Whoosh,” “whoosh.”] “Vema, vema, laiti ningalianza na kufanya jambo tofauti.” [“Whoosh.”] Jambo, jambo ndilo hilo, anza, ndipo—ndipo utakuwa tofauti baada ya kuanza kwako. Mnaona? Inakupasa kugeuka, uanze, unaona.

Unasema, “Vema, si—si—sijaiona namna hiyo hasa.”

<sup>210</sup> Vema, ndugu mpendwa, nataka unionyeshe Andiko moja ambapo mtu ye yote... Nimetoa maneno haya kwa muda wa miaka thelathini na mmoja ya huduma hii kote kote ulimwenguni, mbele za maaskofu na kadhalika, ambapo mtu mmoja, mtu mmoja aliwahi kubatizwa kwa njia nyine yo yote isipokuwa kwa Jina la Yesu Kristo. Na kila mtu ambaye hakubatizwa katika Jina la Yesu, ilimbidi aje abatizwe tena katika Jina hilo.

<sup>211</sup> Mungu alikuwa na Jina moja tu, na Jina Lake ni Yesu. Huyo alikuwa Mwanawe, alichukua Jina la Mwanawe. Mungu! Sasa, Yesu, ule mwili ulikuwa mtu. Tunajua hivyo. Huyo alikuwa Mwana wa Mungu aliyetiwa uvuli. Sasa sisi hatuamini katika ule mfano wa umoja, hao watu wanaosema ya kwamba Mungu ni kama kidole chako. Tunaamini kuna si... sifa tatu za Mungu. Sifa tatu za Mungu, Mungu alidhihirishwa kwanzo. Bali kuna Mungu mmoja. Mnaona? Hiyo ni kweli. Hatuamini... tunaamini katika—katika... Hebu niseme hivi, tunaamini ya kwamba Mungu aliishi katika ofisi tatu. Alikuwa na ofisi duniani wakati mmoja.

<sup>212</sup> Sasa, ninyi wanawake nendeni upande *huu*, nanyi wanaume nendeni upande *huu*, wanaojitayarisha. Nao wanajitayarisha kwa ibada ya ubatizo sasa.

<sup>213</sup> Na, sasa, Mungu alikuwa na ofisi tatu. Kimoja kiliitwa Ubaba, au wakati wa Ubaba; nyine kiliitwa Mwana; na hiyo nyine kiliitwa Roho Mtakatifu. Sasa, leo, Baba

anafanya kazi katika wakati u—upi leo? [Kusanyiko linasema Roho Mtakatifu”—Mh.] Roho Mtakatifu. Alikuwa nani katika siku zilizopita? [“Yesu.”] Yesu. Alikuwa nani katika siku zilizotangulia hizo? [“Baba.”] Bali alikuwa tu ni Mungu mmoja tu! Sivyo? Yeye ni Baba, Mwana, na Roho Mtakatifu. Hizo tatu, ofisi hizo tatu za Mungu mmoja. Mungu mmoja!

<sup>214</sup> Bali sasa, Baba si jina, sivyo? Nataka kuwa ulizeni. Sasa nataka kuwapa Mathayo 28:19, ambapo Yesu alisema, “Basi enendeni, mkawafanye mataifa yote kuwa wanafunzi, mkawabatize kwa Jina,” (J-i-n-a) “Jina la Baba . . .”

<sup>215</sup> Sasa nataka kuona jinsi mnavyojua Maandiko yenu. Niambieni nikitoka nje. Naye akaawaambia, “Enendeni ulimwenguni mwote, mkaihubiri Injili kwa kila kiumbe. Yeye aaminiye na kubatizwa ataokolewa. Asiyeamini atahukumiwa. Ishara hizi zitafuatana na hao waaminio. Kwa Jina Langu watatoa pepo,” (hayo yote ni kweli?) “watasema kwa lugha mpya, watashika nyoka.” Sasa nitawanukulieni, Mathayo . . .

<sup>216</sup> Sasa sikilizeni. Namwuliza mwanahistoria ye yote. Sasa haya yako kwenye kanda, hizi zinazunguka ulimwengu mzima. Naomba mwanahistoria ye yote aje kwangu aniletee fungu lo lote la Maandiko, fungu lo lote la . . . au si Maandiko, fungu lo lote la Maandiko ama historia yo yote, aya yo yote ya historia ambayo iliwhi kuonyesha ya kwamba M protestanti ye yote, ya kwamba mtu ye yote aliwhi kubatizwa katika jina la “Baba, Mwana, na Roho Mtakatifu” mpaka kanisa Katoliki lilipouamirisha katika Baraza la Nikea. Sasa hayo yako kwenye kanda, zinasambazwa kila mahali duniani, hufasiriwa katika lugha thelathini na saba. Nitalipa gharama yako ya kuvuka bahari. Hiyo ni kweli. “Baba, Mwana, na Roho Mtakatifu” ni fundisho la sharti, la uongo na haramu la Kikatoliki, wala si ubatizo wa Kikristo. Sawa! Luther aliuleta kutoka kwenye kanisa Katoliki, pamoja na katekismo, Wesley aliukubali kisha ukasambaa. Bali hii ndiyo siku ya kudhihirishwa kwa wana wa Mungu, wakati siri zilizofichwa tangu kuwekwa misingi ya dunia zitajulikana. Hii ndiyo ile saa. Bila shaka.

<sup>217</sup> Kumbukeni, hakuna mtu kamwe katika Biblia aliywahi kubatizwa katika jina la “Baba, Mwana, Roho Mtakatifu.” Kwa miaka mia tatu baada ya kifo cha mtume wa mwisho, hakuna mtu aliywahi kubatizwa katika Jina la “Baba, Mwana, na Roho Mtakatifu.” Wao walikuwa . . . Nimesoma *Waanzilishi Waliotangulia Nikea* pamoja na *Baraza la Nikea* pia, na kutoka hapo wameunda wanachoita “Kanisa la Kikristo la dunia nzima” na wakaunda madhehebu kutokana na hilo na kuwalazimisha watu kujiunga nayo, ambayo yalikuwa ni kanisa Katoliki. Neno *katoliki* hasa linamaanisha “ya dunia nzima,” kanisa la Kikristo, la ulimwengu mzima, kanisa moja litakaloenea duniani. Na Ukristo huu, wanawalazimisha watu wajiunge nao. Humo ndani waliingiza, wameondoa Venus

wakamwingiza Mariamu. Wamemshusha Paulo...ama Jupiter, wakamwinua Paulo. Ingali ni upagani! Sawa. Kanisa Katoliki lilitoka mle, na baada ya miaka mia tano...

<sup>218</sup> Wana mchezo wa kuigiza unaoendelea sasa kule Louisville, *Ben Hur*. Walikuwa na *Amri Kumi* si muda mrefu uliopita. Laiti wangalicheza mmoja wa, kama wakiweza, wa ile miaka elfu moja mia tano ya zile nyakati za giza. Laiti wangalionyesha huo. Miaka elfu moja mia tano ya mateso ya kipagani, wakati walipomlazimisha kila mtu na kuwaua, wakawaua kinyama, waliwanyonga kwa kamba. Wakamfungia maksai kwenye mkono mmoja na maksai mwininge kwenye mkono mwininge, ndipo wakawafanya aidha waibusu msalaba ama wampige mmoja aende upande huu na mwininge upande ule. Nimeuweka mkono wangu, kule Uswisi kwenyewe, nyuma ya nguzo walikosimama huko na kukata ndimi zao na kuwaita wachawi na kila kitu. Hiyo ni kweli kabisa. Sawa!

<sup>219</sup> Na roho iyo hiyo inaishi leo. Sheria tu ndiyo inayoizua. Ngojeni mpaka itakapopata uhuru wake. Biblia ilisema hivyo. Hebu ngoja tu mpaka itakapoonyesha jinsi ilivyo, itakapopata nafasi ya kufanya hivyo. Huenda mkaipigia kura hivi karibuni, nijuavyo mimi. Mnaona? Itafanya hivyo, itakuja. Hakuna njia ya kuizua. Haina budi kuja. Hiyo ni kweli. Haina budi kuja, inakuja. Kwa hiyo ijapo, ngojeni tu. Lakini, ndugu, inakupasa kujuja jambo hili moja, namjua Yeye niliywamini. Haleluya! Naendelea kutembea tu. Mnaona. Ndivyuo ilivyo.

<sup>220</sup> Kuna wakati ambapo—ambapo yule mwandishi, nilipomwambia yule mwandishi wa Biblia ya Lam... Lamsa—Lamsa, wakati alipotazama na kuona ile ishara ya kale ya Mungu, namna hiyo hasa, nukta tatu ndogo ndani yake, nikasema, “Hizo ni nini?”

Akasema, “Huyo ni Mungu katika sifa tatu.”

Nikasema, “Kama vile Baba, Mwana, na Roho?”

Akanitazama, akasema, “Unaamini jambo hilo?”

Nami nikasema, “Naam, bwana.”

<sup>221</sup> Akasema, “Niliona huo upambanuzi hivi majuzi usiku, nikafikiri wewe ulikuwa nabii wa Bwana.” Kasema, “Mungu aubariki moyo wako.” Akanikumbatia, kasema, “Sasa najua ndivyo ilivyo.” Akasema, “Hawa Wamarekani hata hawajui nini.” Kasema, “Hata hawajui kitu.” Kasema, “Wanajaribu kukichukua Kitabu cha Mashariki na kukigeuza kiwe cha Magharibi. Hata hawajui Biblia yao.” Akasema, “Hakuna Jina jingine walilopewa chini ya Mbingu, hakuna Jina jingine, kwa maana kila mtu alibatizwa kwa Jina la Yesu Kristo. Hakuna kitu kama watu watatu katika Mungu mmoja.” Na huyo ni Ndugu Lamsa, Daktari Lamsa, mfasiri wa Biblia ya Lamsa, ambaye ni rafiki msiri wa Eisenhower na mabalozzi wote mashuhuri wa ulimwenguni, na wengine kadha wa kadha, akanikumbatia,

kasema, "Siku moja watakupiga risasi kwa ajili ya jambo hilo. Lakini," kasema, "kumbuka, watu hao wote hufa kwa ajili ya msimamo fulani."

<sup>222</sup> Ningetaka kuwa kama wakati ule mzee Petro alipofungwa gerezani. Kulikuwa na maskini kijana mmoja mle ndani naye alikuwa na wasiwasi sana. Ndipo akasema, "Loo, kuna nini?"

Kasema, "Unajua utanyongwa?"

Petro akasema, "Naam."

Akasema, "Vema, unajiandaa kufa leo."

Akasema, "Naam."

Akasema, "Vema, wao wana—wao wana- . . . je! huogopi?"

Akasema, "La."

Akasema, "Hapana budi wewe ni mmoja wa hao wanaowaita Wakristo."

Akasema, "Naam."

Akasema, "Ilikuwaje?"

<sup>223</sup> Naye akamwambia, akaketi chini akamsimulia hiyo hadithi. Na ilipokuwa inaendelea, akafikia mahali, akasema, "Nami ningalikuwa huru asubuhi ya leo. Ningaliweza kwenda na kuijunga na baadhi ya madhehebu yao na niendelee tu kuishi, unaona. Ningalikuwa huru. Bali nilipoanza kutoka kwenye lango la jiji hili, ndipo nikamwona Mtu anakuja, anaingia ndani. Nilijua alikuwa ni Nani. Nikasema, 'Bwana, unaenda wapi?' Akasema, 'Ninarudi kwenda kusulubishwa tena.'" Kasema, "Nikarudi moja kwa moja."

Papo hapo wakasema, "Ni nani anayeitwa Simoni Petro?"

Kasema, "Mimi hapa!"



*KUFANYWA WANA WENYE MAMLAKA* <sup>3</sup> SWA60-0522M  
(Adoption <sup>3</sup>)

MFULULIZO WA KUFANYWA WANA WENYE MAMLAKA

Ujumbe huu uliohubiriwa na Ndugu William Marrion Branham, uliotolewa hapo awali katika Kiingereza mnamo Jumapili asubuhi, tarehe 22 Mei, 1960, katika Maskani ya Branham kule Jeffersonville, Indiana, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©1997 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Ilani ya haki ya kunakili**

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)